





## सुजुगिरिनि खोलोम

# बर'नि दानाय-लुनाय आरो हारिमु लाखिनाय

बुँस हायै समनिक्रायनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लोबोदों। बर' माहारिनि गेजेराव बाश्रा फंसे दइ: 'जाय हिन्जावा दानाय लुनायाव आखाय गैया बे हिन्जाव सिख्लाखौ रावबो हाबा खालामा'। बाश्राया नंखाय नइ। गामिआव नखरफ्रोमबो साल-गादैजों समाना इसानसाली थानायमोन। मेरें बोथोर सौफेनाय लोगो लोगो नखर नखर सि सोंनाय, नो-खन्नाय, बिनि उनाव गादैआव खुटुंखौ फान्ना सालाव दानाय। गामिआव हाबहैल्लानो नखर नखर खालथां, खालथां, माखु गावनाय सोदोब खोनानो मोननायमोन। आथिखालाव नाथाय गामिफ्राव हाबहैल्ला माखु गावनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथोयै साननो गुवां जाबाय। गोदोफोर खुटुंखौ गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाव गावा सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गाबनि खुटुं बायना दखना, जोमग्रा सिमा, बाइदि बाइदि रोखोमनि सि दाबाय। गोदो गामि गामि इन्दि बिफानि बागान खालामना एमफो फिनानै फिथोबनिक्राय इन्दि, खुटुं दिहुनना इन्दि सि दानायमोन। नखराव जोमनो दोनानाबो गुबुन्नोबो फानहरोमोन। इन्दि सिनि बेसेनआ गोदोनिखुइ आथिखालाव गोबां जसिनबाय। गोबां रोखोमनि इन्दिसि दाना दिहुनो हाब्ला बेनिफ्रायबो गोबां रं मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो ज'गार खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काश्मीरि साल बाइदि बाइदि सि फोरखौसो बायना जोमसै। सिनि फालांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफदफोर दाना लानायखौ नुनो मोनदोंसै। बे रोखोमनि उइंभिं सेन्टाराव दखना जोमग्रा बाइदि बाइदि सि दाना हाथाय बाजारवाव फाननोबो लाबाय। गामिनि सिख्लाफ्रानो बे उइंभिं सेन्टाराव जानो आन्थाल' रं लाना दानाय लुनाय हाबाखौ मावनो हमबाय। नाथाय बेजों उइंभिंनि सोद्रोमाफ्रा बेसे बां मुलाफ्रा दैखानो हादों बेबो मोनसे साननो गोनां। नुनो मोननाय बादियैल्ला उइंभिंनिक्राय दिहुनजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइंभिंफ्रा थाना थानांगौआ गोब्राव। हादोरनि बायहाआवबो बे रोखोमनि हाथाय थानांगोन। जैरैखि जाया, माहारिनि हारिमु आरो आरिमुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिक्राय सोलिबोनाय दानाय लुनायनि आखुबौ फोथाना लाखिनांगोन। बिटिसिनि दैदेनगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गासेनि खुटुं खिनिखौ जगायना सोरकारा होनो हानांगोन। आथिखालनि गामिफोरनि सुबुंफोरनि हाल-साला गाहाम नलिया। जानाय लौनायखौनो जगायनो हायाब्ला गाननाय जोमनायखौ मात्रे जगायनो हानो ? जैरैखि जाया थानानै थानायनि राहाखौ बिटिसिनि दैदेनगिरिफ्रा गामिनि सुबुंफोरनो होनांगोन। बिनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

## दिनैनि फान्जामुधि

**राशि बाइदियै मुंनि गिबि हांखो**

**मेष** : अ ल **वृष** : ऊ ब (उ ए इ) **मिथुन** : क छ (ड ष)  
**कर्कट** : ड ह **सिंह** : म ट **कन्या** : प ट (ण ष)  
**तुला** : त र **बृश्चक** : ब न **धनु** : ध ष (ढ फ)  
**मकर** : ख ज **कुम्भ** : ग श (स) **मीन** : द च (ख ज झ)

-  **मेष**: बहाबाफोर दावबायनानै रंजानाय लानो हागोन। फारफ्रोमथिबो मोजां।
-  **वृष**: सोरजोंबाफोर गोसोआव गात्रि मोनलायनाय जानो हागौ। जेखि जाया गोसोखौ हमथा।
-  **मिथुन**: दिनैनि दिनआव मावनाय-दानायजोंनो मुखुब जानानै थानांगोन। गोसो हमथानानै सोलिनांगोन।
-  **कर्कट**: नख र'आव सोरजोंबाफोर दावराव-दावसि जानो हागौ। सोमोन्दो थानाया गावस्त्रालायनो हागौ।
-  **सिंह**: फालागिरि मावग्रानि थाखाय गाहाम सान। रंखावरि मुलाम्फा मोन्नो हागोन।
-  **कन्या**: बायदिसिना बेरामाव गोलैबायनो हागौ। देहाखौ सांग्राडे लाखि। थासारिया मोजां नइ।
-  **तुला**: बहाबाफोर दावबायहैनो मोन्नो हागौ। गोसोखौ गोजोन मोनगोन। मोजां सान।
-  **बृश्चक**: मोजां खामानि मावनानै जौगालानो हागोन। थुलुगानायखौ मोन्नो हागोन। मोजां सान।
-  **धनु**: सरकारि खामानि मावनायाव गोहोम खोख्लैनो हागोन। गोजोनै सम बारहेनो हागोन। मोजां सान।
-  **मकर**: नख र'आव जेबो गैयै जेवसालानो हागौ। जैरैबो नोजोर लाखिनांगोन।
-  **कुम्भ**: नख र'संसार जानायाव दुहाव थासारि सोमजिनो हागौ। गोसो हमथानानै थानांगोन।
-  **मीन**: सुथुर थानायफोर दइबा जेवसालानो हागौ। गोजोनै थानो हागोन। मोजां सान।

## सुंद'सल'

-रनन्जय ब्रह्म

“मा, माथो रायज्त्लाय बोखो ?”  
 ‘मा रायज्त्लायबोनो ? रावबो गाइयानो नौनि हाखौ।’  
 “गाउरावालाय माथो बुंखो ?”  
 “गाउराववा न'आव गैयामोन। गाउराव बिसि दुब्रिजों रायज्त्लायदोंमोन आं। गाउराव बिसि दुब्रियाबो खम नइ। हाजेव-जेव, खुज्रि-जि; खुगा फेनै-फेनै, दानख्त्लाय-सुख्त्लाय रायज्त्लायनो गोरोंथार।”  
 “माथो बुंखो ?”  
 “नौलाय माथो सिमोन माइ लायनो थंक्ला माइखौ मोजाडे जावनानै हराखै, माइयाबो गामाइनायसो, हानि सिमाखौबो गेदा-गेदि खालामजोब्याय होन्नानै बुंभोदों होनलाय ? ओंखायनो देग्लाय गाइलानो। मालाय गावस्त्रा जाखाजोब्यायनो।”  
 बेबादि बुंभोनै लाउदुम बिसि फाउदुरा ब्लाउस सिनिक्राय बाजौ रं दाहुन्नानै बिसायखौ बुडे,-  
 “न', अमा बेदर एसे लाबोनानै होफे आंनो, देसिखौ लाबो, खोमा फाइलखौ जानो हाथारा आं, फेन्ले-रले, थावथारा। बेनोबा आं दश्रा फान्नायनि रंकोमोन। बरे फुंजानि एफा गोजान आंखौ थिनहरनानै, सान्दु गोसाफ्राव ! थाबायै-थाबायै आथिंफ्रासो साजोब्याय आंहा।”  
 जेबो बुडबालानो ब'बा बाबादि बिसिनिक्राय बाजौ रंखौ नाजवानानै गावनि साइकेल बोरायखौ लानानै हाथाइयाव थानो ओंखारो लाउदुमा, गोसोआ गिलिर।  
 कर्राझार नोगोराव राइज्यो जाफेनाया दिनैजों जिबा बोसोर जालांबाय, लाउदुमा। बिसि फाउदुरि एंन्रा-ब्रा बुंबाय थानायवा गोसो गैथाराब्लाबो कर्राझाराव प'वासे हा लानांदोंमोन बियो। मानोना बिनि बिसि फाउदुरा लाउदुमनि गामि ग'फायाव रायजो जानो गोसो गैथारा। जायनि थाखाय बिसोर सानैनि गेजेराव नांलायखेब्याय थानाय जायोमोन। बिसि फाउदुरिनि नारसिन्नायाव बे प'वासे हाखौ लानायावनो बियो बिमा-बिफानिक्राय मोन्नाय, बिखा खामथाव-थाव, माइ जाखुबग्रा, नैजि बिघा हाखौ बिघायाव बाजि रोजा रानि फान्नांदोंमोन। दा बिनि हाया जि बिघाल'सै। जाय थामजि  
 बिघा हाखौ बिनि बिफा सनारामा बिखानि थैखौ दै खालामनानै सोरजिंदोंमोन, बिसि, फिसाफोरखौ जाहोदों-लौहोदोंमोन आरो लेखा फोरोंदोंमोन। बेफोरखौ गोसो खंक्ला दिनैबो लाउदुमनि बिखाया खायसिब मोनखाडे।

कर्राझार नोगोरनि अमा देसि ओंखारग्रा खोदोमतला हाथाइयाव लाउदुमा सौहैब्ला समा गु रिंगा जाबायमोन। सानफ्रोमबो मात्रे-माबा अमा देसि ओंखारग्रा बे हाथाइयाव माब्लानो माखासे अमाफ्रा जेवजेवबनानै मासेल' दंसैमोन, जेराव बायग्राफ्रा थफ'बलायनानै दंमोन। लाउदुमा हिसाब खालामनानै मोनबायदि अमानि बेसेना सेरसेयाव बाजौ रं जायोब्ला प'वासेनि बारा बियो बायनो हाया। मानोना बिनि आखाइयाव बिसि हरनाय बाजौ राल' दं। बेजोंनो माइरंबो लांफानांगौ; माइर'आबो रनजित माइरख सेरसेयाव ब्रैजिबा रं जाथारबाय। बिसिया गामियाव थंक्ला माइहेन्दोखौ बियो खोद नायखोमादोंमोन, माइरं गैला।  
 लाउदुमा अमा बायग्रा मानसिफोरनि गेजेरजों उरब्लानानै अमा दानग्रानि खाथियाव गसंथाबनानै बुडे,-  
 “आंनोबो प'वासे हरलै फंबाय।”  
 नाथाय अमा दानग्रया बिनि रावखौ खोनानानैब्लाबो खोनानै बादि थाफ्लानानै अमा दान्नाय आरो सुनायावसो मोखं सोमथारदों-सोरनाबा सेरनै, सोरनाबा सेरथाम, सोरनाबा सेरबा; जायना बांसिन

## सुंद'सल'

चसि नाजरी

गोबाव सम सिगां, दरसे गोजान हादोदआव मोनसे फिसा राजथावनि दइमोन, राजथावनिआव नफ्रा समायना गोजामोन। बे राजखुंगुराबो जेबोद नायनो समायनामोन। बे राजखुंगुरा गाव जेखौ लुबैयो बेखौनो मोनजोबनायमोन थैवबो बियो जोबोद दुगा आरो लुबैसुलामोन।  
 सानसे जोबोद गोर्जानाय बोथोरनि हराव सासे बुरि बिबायारि फैनानै राजखुंगुरनि खाथियाव हरसे थानो थाखाय आरज गावफेनायसै। मानोना बायजोआव जोबोद गुसुथारामोन। बुरिनि बे बायदि आरज गावनायाव राजखुंगुरा बुरिनाव सोंबाय - आं थानो जायगा होब्ला नों आंनो मा होनो ? - अब्ला बुरिया बारसे गलाब बिबार होनो जासिनायसै। नाथाय राजखुंगुरनि गोसोआव अन्याय गैथैलाय बुरिखौ जायगानिक्राय होखार हरनायसै। बिदि होखारनायखौ खोनानानै बुरिआ सासे मोदायजोनि महर लानायसै आरो राजखुंगुरखौ गोसो गात्रिनि थाखाय साजा होनो सान्नायसै आरो नायै नायैनो राजखुंगुरा मासे गिखंथाव जुनातनि महर सोलायहोजोबनायसै लोगोसे खामानि मावग्रा फोरखौबो महर सोलायजेवनायसै। राजखुंगुरा जोबोत गाबनानै निमाहा बिनायसै, अब्ला मोदायजोआ बुंनयसै - आंथ' आं साव होनायखौ लाफिननो हाल नाथाय नैबे गलाब बिबारा ला आरो खोनासं बे गलाब बिबारनि गांखंआ रान्नानै सिरिनायनि सिगां नों सासे जायखि जाया मानसिखौ मोजां मोन्नांगोन जाय नोंखौ मोजां मोनफिनगोन। नइब्ला नों अराय सम जुनात जानानै थागोन, आरो जुदि बे मानसिआ नोंखौ मोजां मोनोब्ला नोंनाव आं साव होनाया जोवगोन। बिदि बुंभानै मोदायजोआ स्रोत गोमोरनायसै।  
 जुनात महर लानाय राजखुंगुरा गावखौ राजमहलनि सिंआवनो दोमखुमानायसै मानोना बियो गावनि गिथाव महरखौ मानसिफोरनि सिगाडव दिन्थिनो लाजिंदोंमोन। जादुनि आयनाजोंसो बियो बायजोनि जाथायफोरखौ नुनो हानायमोन।  
 गोबां बोसोर थांबाय रावबो बेखौ मोजां मोनाखै

# “अमा देसि”

बेखौनो सिगां-सिगां सुगोरदों आरो हरदों। बे समावनो सासे मेरदा-दा, गिथाव-बाथाव सेंग्राया गंसे गोसोम स्करपिय' गारिखौ दोम लाखिफेनानै गारि सानिक्रायनो गोबारै सोंहरो,-  
 “यै, बुलाव। आं फन खालामनानै दोन्नो थिनहरनाया जाबाय ?”  
 “दोन्नायाथ' दोनदोंमोनलै आदा। अमायानो थोलायथारा। नोंबो सौफे नायाव गोबाव खालामबाय नालायब्रा ! नायफेदो, थोगोन्ना थोआ ?”  
 सेंग्राया गोखै गारिनिक्राय ओंखारनानै, थुबुर जानाय मानसिफोरखौ नाब्लानानै, अमा बेदरखौ नायो, बेनिक्राय बुडे,-  
 “फेन्दा मोनैखोबो दोन्नो थिन्नाया मोनसेल'सै माथो ? आंनो जि कि.ल. नांथारगौमोन ! जा दं सुजोबदोलै।”  
 लाउदुमा मिथिबायदि अमा बेदरखौ मोन्नांगौवा गोजानसै। गोसो मोनस्त्रा-मोनस्त्रा बियो गोबारै खनसे सोंबावनायसै,-  
 “आं प'वासे बिबाय थानाइयालाय बोरोथो ?”  
 अब्लासो अमा पाइकारिया बिनि मोखाडव नायदावनानै बुंनयसै,-  
 “ए ! जानाय नंलालै आदा।”  
 गोसो साइर' जानानै लाउदुमा हाथाइनिक्राय गिदिफिन्यासै। न'वाव सौफेनानै बियो नुबायदि बिसि फाउदुरा अमा बेदरखौ संनो मेरगम-गम नेगासिनो दं। लाउदुमा मनाखौ बिसिनि खाथियाव जालदाब गारज्जबनानै बुडे,-  
 “गिलास लाबो, गिलास। फरायसालियाव थानांगौ समासो बारग'लाय लांबाय आंहा।”  
 फाउदुरा मनाखौ खेवनानै नायो। मनायाव अमा बेदर गैया। सेरबासो माइरं, दाउदै दैब्रै, आलु एसे आरो बटलसे जौ आबगारि।  
 “अमा बेदरालाय बोरोथो ?”  
 “बहा अमा देसिनि बेदर मोन्नांगौ ? गावजों-गाव नारथुमुलायनाय सेलाइ-बेलाइयावलाय ! नौनि एसे-एनै बेदरखौ अमा पाइकारिया खोनसंग्राड। बेसेबां रं हरदों बादि मोन्दों नों आंनो ? हरबायनालाय हरबाय रोजासेसो हरब्लानो जायोमोन। जायसो बाजार खालामो बिसो मिथियो !” लावदुमा खेबजाडे बुडे।  
 “आय, आय ! माथो दानिया आंनावसो आरजाथारै-आरजाथारै रं बिग्रा जागारलायबायलाय बिलाय ? नौनि साखिनि राडलाय बहाथो थंजोबखो ?”  
 “आंनि साखिनि रं ! आंनि साखिनि रं !” बेबादि होन्नानै लाउदुमा हाथायखौ खे-खे अरो आरो बुडे,-  
 “बे डान जोबहां, जोबहाडव आंनाव मानि रं थानांगौ ? नोंसोरनो जाजोब्याय आंखौ ! हा बायनाय, न' लुनाय, नौनि नोंसाज्जलानो गारि बायनानै होनायाव बेसेबां रं थंखो, हिसाब दं नोंहा ? लनावनो दानखेब जोबजानानै बेसेबां डान बान्था मोनो आंलाय ! लाबो, लेखा-कलम लाबो-हिसाब खालामनानै दिन्थिनि आं।”  
 बेबादि बुंभानै लाउदुमा गिलाससे जौखौ हां खुनसेयैनो बोजोबो आरो बुंबावयो,-  
 “बेबादिनि थाखायनोथ' टावनाव थाफेनो गोसो गैथारामोन आं। जि बिघा बिता हा, थामजि बिघा गायग्रा हा, मानि आंखालमोन आंहालाय ? गामियावनो मावयै-दाडेजब्ला साबसिन जागौमोन !”  
 “गामियाव मावयै-दाडे जब्ला नौनि नोंसाज्जलाफ्रा लेखा रोंगौमोन ?” फाउदुरा गेजेरावनो बारस'नानै बुडे आरो गावबो गिलाससे गो लुनानै लानानै बिसायजों लौनायाव बाहागो लाफायो।

# साव

लाखिनायसै। रंजालिखौ जुनातआ बुंवाय - नों बे महलाव खुलायै बेरायनो हागोन। बे महला दिनैनिक्राय नौनि नाथाय सोनाबनि खथायाव दाहाब बे खथाया नौनि नइ। नाथाय हर गेजेराव रंजालिआ सिरि-सिरि सोनाबनि खथायाव हाबखुमाहैबाय। बेयाव बियो जादुनि गलाब बिबारखौ नुनानै गोमोबाय जायखौ खोरखि खाथिनि दिगियाव सोनानै दोनदों। जुनातआ गारजों खिरखिनिक्राय हब्राहरनायसै। रंजालिआबो गिनयजों हाखु दाखु ख'थानिक्राय ओंखारबोनायसै।  
 गिनयजों रंजालिया महलखौ नागारनानै हाग्रा थिंजाय खारलांबाय, जेराव बियो माखासे हाग्रा नि सियालजों होसो जानायसै। बे समावनो बै जुनातआ नुजाथिफे नायसै आरो सियालफोरखौ होहरजोबनायसै। रंजालिआ नुबाय जुनातनि सिगांनि आथिंआ थै गदों। रंजालिआ दुखु मोनबाय।  
 रंजालिआ बेखौ महलाव लाबोनायसै आरो आंफाखौ आंफाखौ सि खानानै होनायसै। आंनि जिउखौ रैखा खालामनायनि थाखाय गोजोनथं। जुनातआ जेबो बुडबालानो थाबाय। नाथाय जेब्ला रंजालिआ गुबुनथिं थडें अब्ला बिनि थिंजाय मिनस्लु खालामहरनायसै। माखासे दिनफ्रा सुखुयै थानायसै।  
 जानो हागौ बेनि साव होनायखौ बोखानो हासिगोन। केथलिआ रायज्त्लायखोमानायसै। सानसेखालि जुनातआ रंजालिनाव सोंबाय- नों बेयाव खुसि नामा रंजालि ? -ओं आं खुसि। नाथाय आं आफाखौ खेबसे नुयोब्ला गाहाम जागौमोन आं बियो मात्रे दं। रंजालिया फिनबाय। नों बेखौ खालामनो हागोन। बिब्दि बुंभानै जुनातआ बिनो जादुनि आयनाखौ होबाव। आयनायाव रंजालिया नुबाय बिफाया गावखौ नायगिरगारिनो दं, नागिरै नागिरै बिफाया गोलैदों - आं न'आव थानांसिगोन नइब्ला आफाया थैसिगोन। रंजालिया गावबानै बुंवाय जुनातआ दुखुयै बुंवाय नों थानो हागोन नाथाय जादुनि आयनाखौ लांफानांगोन जाहाथे नों आंखौ बावआ।  
 जादुनि आयनाया रंजालिखौ बिफानिसिम लानानै थंथाव नाथाय न'आव लाबोखानायनि उनाव माखासे गामिनि मानसिफ्रा बिफाखौ फागला जाबाय

“आं बुंदों, गामियावनो रायजो जब्ला साबसिन जागौमोन। जोंफोरबादि मानसिया दासान्दि गामियाव जोबोत गोजोनै रायजो जागासिनो दं। दाउ, अमा, बोरमा, हांसो, फुखिनि ना, गय, खान्थाल, थाइजौ, माइ-माइरं जेनिबो  
 आंखाल गैया। जायखौ बुडे जौनि फुखि बेदरनि आलि। बेफोरखौसो रायजो जानाय होन्नानै बुडे। बेवहाय मा दं ? थाइसेबो गोमगो फाथाइ-सामथाइ, मैगं-थाइगं जानो लुबैब्लाबो मोनजाला, गासिबो मुलि होजोबनाय। बे नौनि जौ गोरान लौनाय माइरनि एंखुरा बबेनिक्राय फैयो, नंखो नौलाय ? पान्जाबनिक्राय फैयो, पान्जाबनिक्राय !  
 जाम्बि, बुर्बक। गामिबो पान्जाबनि सेवनाय, गामायनाय माइरं। बेफोरबादि माइरंखौ बिसोर मैसो-मोसौनोसो जाहोयो, मानसिया नायस'नग्राड। नोंहा बेखौनो बायै-बायै लोडे। बेफोर बादिनि थाखायनो देहाया नोर्जिया जालाय लांबाय आंनिया, जाब्लाबो-लौंक्लाबो राखानो रॉलिया। टाउनाव फैनानै बेसेबांथो लेखा रोंखो नौनि नोंसाज्जलाफ्रा ?”  
 “बि.ए., एम.ए. पास जाबायबाल।”  
 “बि.ए., एम.ए. पास जानानै माथो मोन्दोंथो ? लेखा रॉनानै जेबोखौनो मोनाब्ला, जेबोखौनो मावनो रोडब्ला बे रॉनायखौ लेखा रॉनाय होन्जायो नामा ? अखा नायब्लानो गारियाव थाव सोनो, ओजों-हजों थानो दाखाय-दासि रं बिनो, नख'राव दुम-दाखाल खालामनोल'सो रोंगौ। बेनो जाबाय बिसोरनि लेखा रॉनाया ! मा सोलौंखो ?  
 जोंफोरलाय माथो मेट्रिक पास जाग्रोन-जाग्रा गुदि फरायसालिनि फोरोंगिरि साखि मोन्दोंलाय।”  
 “बिसोरबो नाजया नइ, नाजागासिनो दंबाल।”  
 “नाजागासिनो दं ! माब्ला नाजानानै माब्ला मा जानांगौ ? बैसोफोरखौ जायखै नंदों नामा ? बिहामजो लायनांगौनि समफ्रानो बारग'लाय लांबाय ! आं हले बारा-बाराब्ला मिथिनाय नइ, साखियाबो आंनो बोसोरनैल' खासै, माखौ जायो जा।”  
 बेबादि होन्नानै लाउदुमा बटलखौ गोजौवाव देखानानै नायो। माब्लाबानो बटलसे जौवा खापसेसोल' जासिगोन। बेनिक्राय बुडे,-  
 “हा बि गाउरावामालाय आंखौ मानो बेबादि सान्नांगौ जाखो ? गोदोनिक्रायनो आंनि हायावनो मावयै-दाडेजाबोबाय, दाखालिसो बांबुला थारमोन बियो ! दिनै एसे गां रज' नायखाय थिफुदला जागारबाय बियो। जाबा जानानै लाइ बिमिग्रा।”  
 “गाउरावनि अनगायैबो सानैसो मानसिनो जासिबोदोंमोन आं, बिघायाव महनफाल' जासिथारो।”  
 “आंनि हाया बिघायाव जिबा मरनि खम जाया। बेखौ बिघायाव महनसेयावनो हगारा थारनोसै आं ? नांगौब्ला एरैनो थार्थो आंनि हाया। अलसिया जाजोबथारबाय बे हरिया। ‘अटि लभ महापाप’ होन्नाय बाश्राखौ बुजिना बुजिया बिसोरलाय ?”  
 “बिसोरलाय बोरै बुजिनोसै ? जाहोब्ला जाबाय, लौहाब्ला लौंबाय; जाखं-लौंखं खिबु बेलथाइब्लायाय गामिबो बावगार जोब्याय। गामियाव गावजों-गाव मेगन सालायनाइयानोबा बांद्राय जाथारबाय। नोंहा बेखौनो गामिखौ मोजां मोनो।  
 रावनोबो हगाराब्ला बेबादिनो माइरं बायै-बायै जाबाय थानोसै ?”  
 “आं दा फरायसालि गखांब्ला सासे बांगालनाव हाबबोगोन। बियो बिघायाव महनथाम होगोन होन्नानै बिबाय थादोंमोन।”  
 “बांगालनोसो हगारनोसै दानिया ?”  
 “औ, बांगालनो।”  
 “ओंखाम जालांला ?”  
 “ओंखाम-थोंखाम जाबाय थायालै आं।”  
 बेबादि बुंभानै लाउदुमा गावनि साइकेल बोरायखौ लानानै फरायसालियाव थानो ओंखारलाडे।  
 अब्ला समा साननि जिने रिंगा जाबायमोन।



# भारतनि डाक्टरखौ चीनआ मानो गोखोडै बाखायदों ?

गोदान दिल्ली, 1 जुलाई : 40 बोसोर सिगां महाराष्ट्रनि सासे डाक्टरआ गुदि सावस्त्रि सिबिथाइनि गोहोजों गिखंथाव गोजा देवखाकर (बिच्छू) अरनायनि फाहामथाइयाव मोनसे एल्गस्थि थियारि खालामदों। बेनि उनाव बिथाडा गोखों बाखायजादोंमोन। देवखाकरनि बिषखौ दानगारनो हानाय आरो बिथानि हाबा मावनायनि थाखाय 2022 आव बिथाखौ पत्र भुषण बान्थाजों मान बाउनाय जादोंमोन। नाथाय बिथानि बाखायजानाया बै समावनो थुंगेयाखै। चीननि संदानगिरिफोर बै डाक्टरखौ फिन बाखायदों। बाखायजानाय डाक्टरनि मुडा हिम्मतराव



बाभस्कार। बिथाड 74 बोसोर बैसोनि आरो मुम्बाइनिफ्राय 170 कि.मि. गोजान महाराष्ट्रनि महाडआव थायो। गुड्डुड इडनिभासिदिनि ग्रिन पेस्टिसाइडनि नेशनल चिफ लेबरेटरी चीननि संदानगिरिफोरा संदाननायाव मोन्दोंदि, 1970 जौथाइयाव

देवखाकर अरनायजों 40 जौखोन्दोनि बांसिन जिउ गोमायोमोन। महाराष्ट्रनि मडाड आरो बेनि खाथि-खालानि ओन्सोला मुलुगनि बिष गोनांसिन देवखाकरफोर (मेसबुथस टेमुलस) नि खुलि। 1980 नि जौथाइनि समाव जुदि बबेबा गामियाव सोरबा सुबुखौ देवखाकरआ अरोब्ला बियो हरसेबो थांना थायामोन।

मख 'जाथावदि, 70-80 जौथाइनि समाव महाड ओन्सोलाव देवखाकर अरनाय बेनि बिषजों थैनाया सरासन्ना बाभस्कारमोन। डाक्टर हिम्मतराव बाभस्कारखौ गांसे लाइजाम सेबखानानै बाखायदों। बे लाइजामनि गाहाइ आयदा एबा हेडिआ 'भारतआव देवखाकरनि अरनायजों जानो गोनां थैनायनि हारखौ 1 जौखोन्दोसिम खालामबाय'। लेन्सेटनि लिखिबिदांआव बुंदोंदि, भारतनि गामिफोराव थाया बांसिन सुबुफोराव बिष गोनां देवखाकर अरनायनि जेबो फाहामथाइ गैयामोन आरो बिसोरो थि फाहामथाइ मोनाजासे जिउ गोमायोमोन। मानोना बै समाव गुण गोनां मुलि मोनाखैमोन।

डाक्टरफोरनि गियानआबो देवखाकर अरनायाव थोजासे नडमोन। डा. बाभस्कारआ बेनि बिषखौ दानगारनायनि राहा एबा मुलि दिहुन्नायनि अनगायै डाक्टरफोरनो बेनि गियान होनायनि थाखाय भारतयारि गामिफोराव गिदिदों। बिथानि फाहामथाइजों 1970 जौथाइयाव थैनायनि हारआ 40 जौ खो = दो संदानगिरिफोरनिफ्राय बाखाय जानायनि उनाव ड० हिम्मतरावआ गावनि देवखाकर अरनायनि फाहामथाइ राहाखौ चीननि बिगियानगिरिफोरा गनायथिनायजों गोगानाय मोन्दोंधिदों। बेयो भारतनि थाखाय मोनसे गिदिर जाफूसारनाय होन्ना बुडो।

# नेभिनि गाहाइ जानायनि उनाव दिनेश त्रिपाठीआ बांलादेशआव दावबायहैदों



गोदान दिल्ली, 1 जुलाई : भारतयारि नेभि गाहाइ एडमिरेल दिनेश त्रिपाठीआ रबिबानिफ्राय सानबानि थाखाय दावबायनो बांलादेशसिम सौहैबाय। बिथानि बे दावबायनायनि थांखिया लैथोमायारि ओन्सोलाव दरनै हादतनि सान्थियारि हेफाजाब होलायनाय आरो गोदान लामाफोरखौ जौगाखां होनायनि सायाव लोगोसेयै गोरोबलायनानै खामानि मावनाय। मख 'नो गोनांदि, बेनि सिगां बांलादेशनि गाहाइ मन्थि शोख हासिनाया भारत दावबायफैदोंमोन। बै समावबो दरनै हादतफोरनि गेजेराव सान्थियारि आरो सौ लोखानि थयारि सोमोन्दोफोरनि सायाव गुवारै

सावरायदोंमोन। भारतयारि नेभि गाहाइ जानायनि उनाव एडमिरेल त्रिपाठीनि बेयो गिबि गुबुन हादतयारि दावबायनाय। बे दावबायनाय समाव बिथाड बांलादेशनि गावजों समान दैदेनगिरि एडमिरेल नजमुल हसन आरो गुबुन सान्थियारि बिबानगिरिफोरजों लोगोसे गुवारै सावरायगोन। एडमिरेल त्रिपाठीआ गावनि बे दावबायनाय समाव फेगौ 4 जुलाइयाव बांलादेश नेभि एकाडेमिनि पासग आउट पेरिडआवबो बाहागो लागोन। बेनि अनगायै बिथाड ढाकायाव थानाय बांलादेशनि नेशनल डिपेन्स कलेजआव गावनि बिबुथिखौ लाखिगोन। भारतयारि नेभिफोरनि गेजेरजों

फोसावनाय बिबुथियाव बुंनाय बायदिब्ला, नेभि गाहाइ त्रिपाठीनि बे दावबायनाय समाव दरनै हादतफोरनि गेजेराव सान्थियारि सोमोन्दोफोरखौनि जौगाखां नायखौ लानानै सावरायनाय जागोन। भारत आरो बांलादेशनि गेजेराव नेभिफोरनि हेफाजाब होलायनाय नेम-खाथिया गोखोडै नो सोलिबोदों। सान्थिजों लोब्बा थानाय सासे बिबानगिरिया बुंनाय बायदिब्ला सागर बिथांखिनि गेजेरजों बांलादेशआ भारतनि बाहागो जाबोदों। बे बिथांखिनि गेजेरजों दरनै हादतफोरा इयुनाव फेनो गोनां सेलेन्सफोरनिफ्राय बारग 'नो थाखाय लोगोसेयै खामानि मावगोन। बे दावबायनायाव सागर बिथांखिनि जौगाखां नायनि सायाव सावरायनो हागौ। फारसेथिं रेखाथि बिफाना बुंदोंदि, भारतयारि नेभि जाहाज रणभिरआ लैथोमायारि हुदाफोराव बाहागो लानो थाखाय थानाय 29 जुनआव बांलादेशनि चट्टग्रामआव सौहैयो।

## कंग्रेसआ मोन्थाम गोदान दायनिगिरि आइनफोरखौ हेंथा होदों



गोदान दिल्ली, 1 जुलाई : दिनें गासै हादतआव मोन्थाम गोदान दायनिगिरि आइन फोसावदों। दिनेंनिफ्राय हादतआव आइपिसि, सिआरपिसि आरो भारतयारि नेम-खाथिनि जायगायाव मोन्थाम गोदान आइन इन्डियान जास्टिस कड, इन्डियान सिभिल प्रटेक्सन कड आरो इन्डियान इन्डिपेन्स एक्टआ सोलिबाय। बेराफारसे गोदान आइन फोसावनायखौ लानानै बेरेखा दोलोआ हेंथा होदों। कंग्रेस एमपि मनिष टिवारीआ टुड्ट खालामनानै बे मोन्थाम आइनफोरखौ थाबैनो होबथाफिनो दाबि दैखादों। बेनि हेंथायै बिथाड लक सभायाव नटिस फोसावदों। बेनि सोमोन्दैयै बिथाड बुंदोंदि, बे आइनफोरनि गेजेरजों पुलिस स्टेटजों दैदेनो थांगासिनो दड। गोदान क्रिमिनेल आइनआ भारतखौ वेलफेयार स्टेटनिफ्राय पुलिस स्टेटआव लाखिगोन। बिथाड बुंवावदोंदि, संसदआव बे आइनफोरनि सायाव सावरायफिनानां आरो बेनि उनावसो थांखि लानाय जागोन। कंग्रेस दैदेनगिरि आरो आगुनि मिरुयारि मन्थि पि सिडामबरामआवो बे आइनखौ हेंथा होदों। बिथाड एक्सआव लिस्दोंदि, आइपिसि, सिआरपिसि आरो इन्डियान इन्डिपेन्स एक्टनि जायगा लानाय मोन्थाम दायनिगिरि आइनआ दिनेंनिफ्राय सोलिबाय। बे हाबाफारिया थाखायनाय मोन्थाम आइनफोरनाय माखासे सोदानायजों लोगोसे आबुं खालामनो हागौ। बेखौ मोनसे बेकार हाबाफारियाव सोलायना होनाय जादों। बबेखानि गोदान आइनफोरनाय माखासे साबसां होनाय जादों आरो जों बेखौ बरायो। बेखौ सोदानाय महरै दिन्थिनो हागौमोन। बेराफारसे कंग्रेस एमपि भि मनिक्म टेगरआ लक सभायाव नित आयदानि सायाव सावरायनो थाखाय खामानिफोरखौ दोन्थ 'नायनि नटिस होदों। लोगोसे कंग्रेस एमपि पेसि बेनु गपालआ नित इडजि आरो इडजिसि नेटजों लोगोसे आन्जादफोरनि पेपार लिग जानाय केसफोर आरो एनटिपनि फेलें जानायनि सायाव सावरायनो थाखाय दिनें लक सभायाव थांखि दिखाडो।

## एनआइएआ नायबिजिरनानै सानै सुबुंफोरखौ हमदों

चेन्नाइ, 1 जुलाई : एनआइएआ रबिबारखालि तामिलनाडुनि दर 5 जिल्लाफोरनि दर 10 जायगाफोराव सिग्रोमदों। सिग्रोमनाय समाव सानै सुबुंफोरखौ हमदों। एनआइएआ बे नायबिजिरनायखौ हिज्ब-उत-तहरीरनि सायाव खालामदों। हमजानाय दायनिगिरिफोरा इस्लामिक उतरखारि आफाद हिज्ब-उत-तहरीरनि सोद्रोमाफोर। बिसोर उतरखारिफोरनि थांखिया इस्लामिक हादर गायसन्याय। लोगोसे हिज्ब-उत-तहरीरखौ गायसनग्रा तक अल दीन अल नभानी फार्से लिस्नाय संबिजितखौ फोसावनो थाखायबो खामानि मावनांगौ। एनआइएएनि बादिब्ला, हमजानाय दायनिगिरिफोरखौ आबुल रहमान आरो मुजिबुर



रहमान उर्फ मुजिबुर रहमान अल्थाब साहिब मुडै सिनायथि होदों। बिसोर सानैबो तेजावुर जिल्लानि थांगिबि। एनआइएएनि नायबिजिरनायाव मिथिनो मोन्दोंदि, बिसोर लाइमोनफोरखौ उतरखारि सान्नाय-हनायाव बोलांनो, सुबुंखान्थि, भारतयारि सबिजित, आइन आरो बिजिरसालि बायदिखौ इस्लामनि हेंथा महरै फोसावनो थाखाय सोदयै सेन्टर

खालामनायाव लोब्बा दडमोन। एजेन्सिआ सिग्रोमनाय समाव मबाइल फन, लेपट, सिमकार्ड आरो मेमरि कार्ड आरो माखासे सन्देह खालामथाव फोस्मानफोर हमनो हादों। बेयाव हिज्ब-उत-तहरीर, खिलाफा, इस्लामिक स्टेट आरो खिलाफा सरकारनि थांखि आरो बिसोरनि सान्नाय-हनायनि सोमोन्दै फोरमायनाय बिजाबफोर आरो प्रिन्टआउटआ दंपायो।

## एयार इन्डियाआ सा 180 कमासियेल पायलटफोरनो बोसोरारि ट्रेनिं होगोन

गोदान दिल्ली, 1 जुलाई : टयट युपनि गावआरि एयार इन्डियाआ गावनि कमासियेल पायलटफोरनि थाखाय गिदिर थांखि फोसावदों। एयारलाइनआ फोरमायदोंदि, महाराष्ट्रनि अमरभटियाव गंसे ट्रेनिं इन्सिटुट सेट-आप खालामगसिनो दड, जेराव सा 180 कमासियेल पायलटफोरनो बोसोरारि ट्रेनिं होनाय जागोन। बे ट्रेनिंखौ



डिजिसिनिफ्राय गनायथि मोन्नाय ट्रेनिं फ्लाइट अर्गनाइजेसन (एफटिअ) निफ्राय होगोन आरो बेखौ बेलरा उरां गाथोनाव होगोन, जाय फेगौ फालांगियारि बोसोरनिफ्राय जागायगोन होन्नाबो एयार इन्डियानिफ्राय मिबथिहोदों। बे ट्रेनिंआ जागायनायनि उनाव एसियानि देरसिन पायलट ट्रेनिं इन्सिटुट जानानै फेगोन। एयार लाइनआ मिबथिहोनाय बायदिब्ला, एयार इन्डियाआ गिबिसिन भारतआरि एयारलाइन, जाय कमासियेल पायलटनो ट्रेनिं होगोन। बे ट्रेनिंआव 31 सिंगेल-इन्जिन एयारक्राफ्ट आरो 3 टुविन इन्जिन एयारक्राफ्टआबो दंपायो। बेनि

थाखाय एयार इन्डियाआ महागफ्ट एयारपर्ट अटरिदि कम्पानी (एमएडिसि) निफ्राय टेन्डार मोन्दों। बे टेन्डारआ 30 बोसोरसिम गुन गोनां जागोन। एयार इन्डियानि सामलायगिरि-बिथोनगिरि आरो सिडिअ केम्पबेल विल्सनआ बुडोदि, एफटिसिनिफ्राय ओंखारनो गोनां पायलटआ एयार इन्डियानि मुलुगनां थाखोआव एयारलाइन बानायनायनि गोनांथिखौ बांहोगोन। कमासियेल पायलटनो ट्रेनिं होनायनि थाखाय एयार इन्डियाआ 10 एकडिनि फेसिलिदि जागायदों। बेयाव डिजिटेलि क्लासरूम, हस्पेल, अपारेशन सेन्टर आरो मेन्टेनेन्स इडनित दंपायो।

## आपनि एमएलए जसबन्त सिंह गज्जन माजरानि केसनि सायाव कर्टआ हियारिं होगोन

गोदान दिल्ली, 1 जुलाई : सुप्रिम कर्टआ बैंकनि थगायनाय जाथायजों लोब्बा थानाय मानी लन्ड्रिनि जाथायाव इडिखौ हमनाय आरो रिमान्डखौ सेलेन्स होनाय आम आदमी पार्टनि एमएलए जसबन्त सिंहआ




गज्जन माजरानि आर'जलाइनि सायाव दिनें समबारखालि हियारिं होगोन। बिजिरगिरि सिटि रबि कुमार आरो बिजिरगिरि मनज मिश्रनि भेकेसन टाइमनि पीठआव बे जाथायनि हियारिखौ खालामनो हागौ। गोजौ बिजिरसालिआ सिगां पान्जाबनि एमएलएखौ लकसभा बिसायख 'थियाव फोसावदिनो थाखाय जोबथा रेहाय होनायनिफ्राय माना खालामदोंमोन। पान्जाब आरो हारियानानि गोजौ बिजिरसालिआबो एमएलएनि हमजानायखौ सेलेन्स होनो थानाय आर'दलाइखौ बिब्दि बुंनानै खारिज खालामदोंमोनदि, बेयाव जेबो आइन गैयै जायाखै। मे 2023 आव सिबिआइआ 40 कौटि रनि बैंकनि थगायनाय जाथायाव गज्जन माजरानजों लोब्बा थानाय सुबुंफोरनि सायाव नायबिजिरदोंमोन। सेप्टेम्बर 2022 आव इडिआ बैंक रिनि थगायनाय जाथायनि

सोमोन्दोआव मानी लन्ड्रिनि नायबिजिरनायाव बेजों लोब्बा थानाय माखासे सन्देहगोनां फोरनि सायाव

नायबिजिरनाय जादों। इडिनि टीमआ 32 लाख रां नोगोद, माखासे मबाइल फन आरो हार्ड ड्रइभनि जब्द खालामदोंमोन।

## मिरु सरकारआ पेन्सनारफोरनि जेंनाखौ सुस्त्रांनो जर'खा हाबाफारि आजावदों

गोदान दिल्ली, 1 जुलाई : मिरुनि मावफारिया रड्ज्यो मन्थि जिरेन्द्र सिंहआ पेन्सन मोनगिरिफोरनि अजद होनायफोरखौ सुस्त्रांनयनि थाखाय मोनसे जर'खा अभियान जागायदों। मिनिस्ट्री अफ पार्सनेलनि बादिब्ला, आथिखालाव अनलाइन पेन्सन अजदलाइ एबा सुस्त्रांनय हा बा फ र (सिपिएएनसिआरएएमस) आव बोसोरप्रोमबो 90,000 केस रेजिस्टार जायो। मावख 'नि फिन्यायाव बुंवावनाय जादोंदि, गासै अजदफोरनि गेजेराव फेमिली पेन्सनजों लोब्बा गोनां अजदफोरा 20-25 जौखोन्दो।



बेयावनि मोनसे गिदिर बाहागोआ आइजो पेन्सनारफोरनि आरो बेनि बांसिन अजदफोरा रेखाथि पेन्सनारफोर, रेलवेनि पेन्सनारफोर आरो मिरु नख'र

मावख 'नि गेजेरजों सिपिएएफ पेन्सनारफोरजों लोब्बा गोनां। बेयाव बुंनाय जादोंदि, बैंकजों लोब्बा गोनां के सनि अन्जिमायावो गोबां दड। पेन्सन

No.B/HFD/33/5/Auction/1160 Dated Kokrajhar the 1<sup>st</sup> July, 2024

**SHORT SALE NOTICE**

Auction Sale of 02 (Two) Nos. Lots Volume- 4.397 m<sup>3</sup> unclaimed seized & Wind Fallen Sal Logs & Non-Sal Logs under Haltugaon Division, Kokrajhar 2024-25 vide DFO.s order No. 24, dated 19/06/2024.

Auction Sale Dated:- 03/07/2024

Sd/-  
Divisional Forest Officer,  
Haltugaon Division, Kokrajhar

IPR(BTC)/C/2024-25/85

No.B/HFD/33/5/Auction/1161 Dated Kokrajhar the 1<sup>st</sup> July, 2024

**SHORT SALE NOTICE**

Auction Sale of 06 (Six) Nos. Lots Volume 39.044 m<sup>3</sup> unclaimed seized Non-Sal Logs under Haltugaon Division, Kokrajhar 2024-25 vide DFO.s order No. 27, dated 28/06/2024.

Auction Sale Dated:- 11/07/2024

Sd/-  
Divisional Forest Officer,  
Haltugaon Division, Kokrajhar

IPR(BTC)/C/2024-25/84

No.125/ACE/NIH/Infra/BTC/2022-23/61 Dated Kokrajhar the 29<sup>th</sup> June, 2024

**PRESS NOTICE**  
(e-Procurement)

The Addl. Chief Engineer-cum-Director, PWD, BTC, Kokrajhar re-tender invited on behalf of Governor of Assam for the work "Construction of Martyr Sujit Narzary Memorial Auditorium at Koklabari in Baksa District" Package No. TN\_42\_22, amounting to Rs. 89,30,177.00 (Rupees eighty nine lakh thirty thousand one hundred and seventy seven) only (Approx.) from the eligible contractors registered under Class-II & Class- I (A, B & C) category under PWD (Building), Assam or BTC.

Details may be seen at website <http://assamtenders.gov.in> and also at the office of the undersigned during office hours.

**NB:**

(i) Rate should be quoted as per BTC, Govt. Notification vide No. BTC/PWD(R)-11/2009/Pl.II/139, Dated Kokrajhar the 22/02/2023.

(ii) Payment will be made subject to the availability of Fund.

Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar

IPR(BTC)/C/2024-25/87



## 6 सेकेन्डआवनो सावगारिनि 8 अन्जिमानि गेजेराव 3 खौ सिनायथिना दिहुन

सुबुंफोरनो खर' - मेलेमखौ गोखौं आरो सांग्रां खलामनानै लाखिनो जौं बेनिनो ब्याम खलामनानांगौ जायो। बेनि थाखाय जौं गोब्राब सेलेन्स जायफोरा मेलेमजौं लोब्बा गोनां बेफोरखौं खलामनो हायो। जेसेबां सेलेन्स गोनां सौंथिनि फिन्नाय सावगारिआव नागिरनाय बायदिजौं मेगन आरो मेलेमआ सांग्रां जायो। मेलेमनि ब्यामनि थाखाय ब्रेन टिजार, आइकिउ टेस्ट आरो अटिकेल इल्युजन बायदि बायदिफोरा मख'जाथाव। बेफोरनि सेलेन्सखौं आजावना फिन्नाय नागिरनायाव मुजिनया मोन्यायजौं लोगोसे सोरनि मेलेमआ बेसेबां सांग्रां बेखौं मिथिनो मोनो। अटिकेल इल्युजननि सेलेन्सखौं सुखानायनि हुदा खलामोब्ला बेयाव आखा-फाखाबो जानो हायो। दिनैनि अटिकेल इल्युजनआ 6 सेकेन्डनि सेलेन्स



लानाने फेदौं, जेराव सावगारिआव मोनसे अड नम्बर एबा रवजौंबो गोरोबेखौं नागिरना दिहुनांगौ। सेसेन्जनि थाखाय लाबोनाय सावगारिआव सारि-सारिये अन्जिमा 8 फोरखौं लिस्नाय नुनो मोन्दौं। बेफोरनि गेजेरावो दड 3 आरो बेखौं 6 सेकेन्डआव सिनायथिनो हानायानो बेनि सेलेन्स। बेखौं सुखानायजौं नौंथानि मेगननि नोजोर आरो

मेलेमआबो ब्याम जागोन आरो हेल्डि लाखिनायाव मदद मोनगोन। सेलेन्सखो देरहासारनायनि थाखाय गिबियाववो आगसिनफ्राय आगदा खनासिम मोजाडे नोजोर होनांगोन। फारि-फारि नायलानाने फिन्नायखौं एबा 8 अन्जिमानि गेजेराव 3 अन्जिमाखौं सिनायथिनो नाजानांगोन। बिब्बि नायनानै 6

सेकेन्डआवनो फिन्नायखौं मोनो हायोब्ला सेलेन्सखौं देरहानो हागोन। नाथाय सेलेन्सनि थाखाय होनाय समाव फिन्नायखौं एबा 3 खौ सिनायथिनो हायाखैब्ला गुबुन मोनसे सावगारिआव नायनाने लानो हागोन। अन्जिमा 3 आ आगदाथिनि इसे खनायाव दड। बेखौं बे'खन सिन होनानै दिन्थिनायबो जादौं।

## सुंद'सल'

तेमना मुसाहारि-हेल'तेमना

ए बाजै तेमनाया न'आव दना गैया, तेमना बिबाजैआ लामानि लांगोनायाव थानानै गुरै रावजौं फिन हरो ए माथौ, नमित मोनसोलाइ फे तेमनाया न'आवनो दं न'आवनो माबोरै सानसे गाहाम जनानै थानो हायोब्रा जौंखौलाइ माथो दसे जनानै थानो हायै, नौनि मासिआवनो एम्फौ दड खोमालै अरदावबाय थायो। थोद जामबालाइ। नौंसोर मा तेमना बांसिन न' सिन्फ्राय ओंखार बायो आरो नमित आरो बुन्दुरामखौं गावनि रुमाव लानानै थाडे। दसेनि उनाव तेमना बिबाजैआ साहा लानानै रुमाव हाबफैयो आरो बुडे। नमित माथो दासो दिनैसो नडालै बाजै तेमना बिबाजैआ बुडे माबाफोर खौरां दड नामा ? नमित फिन बुंफिनो माबालै बाजै गाबोननिफ्राय तिउसन दड कक्राइर नाराबारि हिन्जावसा गोजौं फरायसालियाव बेखौंनो खौरां होनो फेदौं। मानि ? बिगियान खौरांनिलै बाजै। दे बिदिब्ला रायज्याय आंहा गोबां खामानि दड, बिदि बुंनानै तेमना बिबाजैआ ओंखार लाडे। तेमना नमित आरो बुन्दुराम मोनहा मोनसे थाखोनिनो फरायसा बिसोर साथामबो कक्राइर हायार सेकेण्डारी स्कुलाव जि थाखोआव फरायो। साथामबो खि एरख'लायग्रा लोगो बिसोर फरायनायाव, मिथिं दावथिं जेरावबो ज'ज' गिदिडे। फरायसा हि साबै बिसोरो जेरावबो बाहागो लायो बिनिखायनो साहसआबो गोर। साथामबो बिसोर फरायनायनि सोमोन्दै बाशा रायज्यायो बिनि उनाव तेमनाया नमितनाव सोडे फरायसाफोरालाय साबेसे जाखो ना जौं साथामल' जौंल' नडालै हिन्जावसाफोरबो।

तेमनाया हिन्जावफोरबो ओंलै हिन्जावफोराबो मालाय हिन्जावफोरासो सिगां सोंग्रोदौंनोलै बिनि खायनो बिसोरजौंसो ज' फोरोडेनो आर्थिकालनि फोरोंगिरिनोसै बोराया जेरै गांसो गोरलै नागिरो बिसोरनोबो लाइक बिबदिनो। नमित, बे दाबो जेबो नड जागोन जौंल' थिखजा। थिक बे समावनो तेमना बिबाजैआ रुमाव हाबफैफिनो आरो नमित आरो बुन्दुरामखौं ओंखारो जानानै थानो हययो। बे समावनो नमितआ बुंथेना होयो नाड बाडेमाब्लाबा जागोन दिनै नड आरो दिनै बाजारवा थानांगौ दं। तेमना बिबाजैआ अखा खलामासै। नमित आरो बुन्दुराम मोनहा तेमनानि नख'खौं माथो होप्रोनानै बिदाय लानानै बाजार फारसे ओंखारबोयो सानैजौं। लामाजौं गोबां मानसि साइकेल सालायनाय तेला गारि नारनाय बायदिजौं बुंफनाय, दसेनि उनाव बाजार मोनबाय। बाजाराव बिसोरो माबा-माबि लानानै दसे बेरायदिखो बिनिफ्राय बिसोर, न' फारसे आगान सुरो। मानोना नमित आरो बुन्दुराम मोनहा तिउसननि सोमोन्दै रायज्याय बोगासिनो दं। थिक बे समावनो बुन्दुरामा बुडे- नमित तिउसन लानानैल' जाया न'आव एसेबो सितडे खलामब्ला माइर

## "मानै सिखि, बारसे बिबार"

गैया। आधिकाल बर' थुनलाइ आफादआव मेट्रिक आन्जादआव जायनो बांसिन मोजां नम्बर मोनानै जुदि बर' थुनलाइआवबो बांसिन नम्बर मोनोब्ला बेनो बर' थुनलाइ आफादआ गांसै दाखानाय बिलाइजौं लोगोसे 10,000 रं बान्था होयोनो। बे बान्थाखौं जौंखौं लानो नाजा नांगोन। बे बायदि रायज्यायै-रायज्यायै माब्लादि न' फारसे मोनहैखो आन्दासआनो गैया। दानिया बिसोरबो गावबा-गाव गावसानानै न' फारसे थाडे। दिनै रबिबारनि साना बाबेनलाडे। अखानायै बुन्दुरामा फुंआवनो सिखारना हाथाय आरो मोखां सुयो। सुखानायनि उनाव बियो दसे बिजाब फरायो, समा माब्लाबोनो 8.00 बाजिबाय थि बे समावनो नमित बुन्दुरामखौं गाबजियो। गाबजिनायखौं खोनानानै हाब्रांआ गावनि बिजाबखौं लानानै साइकेल सालायो। मानोना दिनै फुंनि 8.30 बाजियाव तिउसना जागोन। थि 8-15 बाजियाव तेमनाया बुन्दुराम आरो नमितखौं सिलायवाव नेगासिनो दड। जौं फरायसालि मोनहैनायनि सिगां माब्लाबानो जौंजौं लाफानो गोनां हिन्जावसाफोरौ दफेखायो गासैबो फरायसाफोरनो फोरोंजानो थाखाय मोजां रुम बांसिनानै लादौं। बे रुम नागिरनाय समाव मोनसे खथायाव तेमना आरो नमिता मुनि सासे लाइमोन बैसोनि सिखलाजौं सौग्रावलायदौं। नमिताया आखाइयाव लानाय बिजाबफोरा हायाव गोरलैयो। सानैबो बिजाबखौं खन्नाय समावनो फोरोंगिरिया फैयो। गासैबो रुमाव हाबजोबो। जाजेननायनिफ्रायनो नमिताया तेमनाखौं मिज्लौं-मिज्लौं नायहरदौं-नायहरदौं तेमनायाबो बिखौं नायहरदिनौं। फोरोंनायाव गोसोआनो गैया दिनै बिसोर सानैआ बोहैआ नाथाय नमिता आरो तेमनाखौं नोजोर होखाडे मानोना बियो बुंखादौं बै समाव दिनै तिउसन जोबबाय। बिबदिनो दिनैबो नायज्यायो गाबोनबो नायज्यायो तेमनाया नमिताखौं सानसे नुवाब्लानो माबा गोमनाय बायदि माबोरै बिनो लाइजाम हरग्रोनो ओजोंहाय बियो नमित आरो बुन्दुरामखौं लाजिदौं बिबाजैजौंबो मिथि जानो गिदौं मानोना बिबाजैया बिखौं जोबोद नोजोर होखायो तेमनाया जानाय जाथायखौं नमित मोनहा मिथियाखै मानोना खोरामाबाबो खोन्थायाखै रावनोबो खालि नमितआल' मिबथिगौ। थानो हाथारैआव तेमनाया बुन्दुरामखौं बै जाथाय जानायखौं खोनयो आरो बुडे लाइजामखौं नौं नमितानो होथार नांगोन होन्नानै बुन्दुरामाबो बुडे जागोन दे आं नाजामोन। तेमनाया हराव गोबां बार लिरदौं आरो जायै बायदि मोनानै दानफिनदौंबो। जोबथारनायाव बियो लाइजामखौं लिरदौं नमितानिसिम आर्मि नायग्रोम लागोना: आंनि आन्जालि बिनानाव लाइजामनि गिबि-गिबि नौं बिनानावनिनिसिम खासि बिबारफोर बायदि गुफुर बिलाइयाव खोमसि खथायाव गंसै मोलेले गाबनि खालिजौं लिरनाय लाइजाम लोगोसे नौंनि

आपेल फिथाय बायदि खवलायाव खनसे खुदुमनाय थाबाय लोगोसे इसोरनि अननायाव दासान्दै मोजाडेनो दड जानांगौ ? नमिता मा खलामनो नौनि बै लाइमोन बैसोआ खलामनबाय आंखौं बोरोमा। दिनै आं नौंखौं जानाय लौनाय समाव गोसो खांबाय थायो। फरायो आं बिजाब नाथाय हांखोनि बदलै जाखांफैयो नमिता नौनि महरासो साया-माया हरावबो उन्दुलानो हाया। आंदि नौंखौं बेसेबांबा मोजां मोनो नुजेन्नायनिफ्रायनो गोसो गोर्बौंजौं। हानाय नड आं नौंखौं बावनो बे जोनोमानाव थैयाब्ला। नाथाय बिनानाव नौं बे बिथिडाव आंखौं मा सानो राजि जागोन्दा नौं आंजौं। जायाब्ला निमाहा गैये दायनि थाखाय निमाहा बिखांनाय थायो नमिता। जायोब्ला थार फिनखौं गोखै हर नमिता। आं नौंखौं मोजां मोनो नमिता।

दिनै बारगोलाव खलामला हराबो थौबाय। गोजांनायबो बोथोर, आखाइयाबो रुयहाबबाय लिरनोबो बाबाय दिनै बेवहायनो फोजोबबाय। जायोब्ला:- नौनि तेमना मुसाहारि-

तेमनाया गिबांसिन लाइजामखौं लिरखानानै सोबाय खामाव बियो गाबोननि तिउसनाव बुन्दुरामनो होगोन थांखिया दिनै तेमनानि बेनोल' गोसोआव सान्दौंबो होनो हागोना हाया। तिउसनाव तेमनाया बुन्दुरामनो होबाय लाइजामखौं। नाथाय नमिता दैसो मिथिजोबाय तेमनानि जाथायफोरखौं। नमिताआ बिसोर सानैखौं रागा जौंफलाडे खिन्थायैआव दानिया बुन्दुरामा गंसै बिजाब गलायाव नमितामोनखौं लोगो हमदौं मानोना दखनाव होयोब्ला मानसिफोरा आन्दासमोन। बुन्दुरामा लाइजामखौं आजावयो आरो सोडे- सोरनि होनानै ? बुन्दुरामा फिनो तेमनानि होनानै। दिनै तिउसनाव तेमना आरो नमिताया लाजिलायदौं नायलाय हरफिनलायाखै तेमनाया सानदौं आंखौंबा लागोना लाया ओजोंहाय नमितायाबो गिदौं लाइजामावबा तेमनाया मा लिरदौं गोसोआ सानैबो थिउसनाव गैया। नमिताया तिउसनखौं माब्ला गगोन जादौं। थानो हाथारला बारा बारा। दसेनि उनाव गयो। नमिताया माब्ला न' मोनहै नानै लाइजामखौं फरायनो मोनगोन जादौं बियो दिनै लोगोफोरखौंनो बावगोमालादौं। बियो न'आव बिजाब दोनस्ताव लायाखैसै सिगां लाइजामखौंसो नायग्रोयो। लाइजामखौं फरायखानानै बियो जोबोर गोजोन्नाय मोनदौं। बियो गावखौंनो सोरगोआवना फातालाव दं आन्दास गैया। बिबदिनो नमितायाबो तेमनानो फिन हरफिनबाय तेमनायाबो दिनै जोबोर दुगा। बिसोरनि मोजां मोनलायनाया जुजायनि अरखि बायदि दुफु-दुफु खालामलादौं। दिनै तेमनाया नमितायाबो तेमनानि सेराव थानो मोनाब्ला सुखुआ मोनग्रा जाबाय। नाथाय दिनै नमिताजौं तेमनाया जौं मोजां मोनलाइदौंब्लाबो नमितानि गांनायखौं तेमनाया सुफुंनो

## रंजालि गथ'फोरनि सौरा

### बालाहामाया मिनदौं

हाथाइ रिथि रिथाव

खलाब ख्लब, मिनगलाबदौं

जौनि होंगो-दोंगोखौं नुनानै

आरो जौनि गोब्रामनायखौं खोनासनानै।

आयै दै दै दै आयै दै

गारमा रांखानायजौं गावखाउदौं

गोरलै फिसानो दै नायगिरना मोनाखै

जेरैबो खां - खां बालाहामानि रानस्त्राव महर;

गोरलै उन्दै फिसाफोर - दैनि हाहाखार:

मिथिया जेबो नांगौल' दै थरथिं गारामायाव

जिर्लाव - जिर्लाव गावनाय सहायनो हायाखै

थोयाखै बिमानि आहारआ दबथायनो दै गांनाय।

हाबाब दै ! हाबाब बार !

गैया दिनै 3050 माइथाय !

हब्रादौं बयबो जिउआरिफोर

बिलाइ गांसे गैया, दं खालि बालाहामानि मिनगलाबनाय,

गारमा - सालाइ रानखावनायजौं

गेर - गेर, खे - खु गारमा गाबनानै

बाब्राब - बाब्राब जिउ नागारबाय हनै

गावबाबो ग'थाखै मोदै - रानखांनाय सोलेरनिफ्राय।

मानजं - मानजं सिरियै फुस.....

हगरबाय हां आरोबाव दासोबाव

बालाहामाया मिनदौं ग्लाब ग्लाबनो

मोदानफबनाय मिननायनि जेरैथिंबो।

लांथिया सोलेरआ हांगारबायदि

फिसा गैयायै बिमायाबो नायगिरदौं

गावनि आहार बिथोबआव थरथिंसे बिदै

आ दै आ दै रानखांनाय गारमाखौं सेरथेना लादौं - हां थाबथा जासे।

बिफानि महर नायगिरदौं सोरगिदिं

साया लानो आरो बिलाइ गोथां साउसुबनो

दानस'जानाय गोरान मुलानि अनगा गैया आरो जेबो

3050 माइथायनि जागायजेननायाव गैया बार आरो दै थरथिंसे।

लैथोनि बिखायाव गिदिर जिबनि सह'

दुंखावनायजौं सेवनायनि महरखौंनो मोनाखै

बेयाव थानाय हाबुफोरा हादि जानानै बोहैगासिसै

अन्थाइनि गुदुं बिदुंजौं हांगासैयावनो थैयाव सेरजौं फैनाय।

बांसिनाय सिनाय मोनै सुबुंनि

गोथां थै लौदौं बुथार - देथारनो

गारमा एसे गिसि जाथौं साननानै

3050 नि सावगारि नुनानै बालाहामाया मिनदौं सिमा गैया।

-गलाप खुंगुर बसुमतारी  
बसगाव, क'क्राइर

### उदांखौं नायगिरनानै

बै थावनिनिसिम दावबायनो आं लुबैयो

जेराव बेरेखा जिउनि लोगोरिनि आंखाल।

नारा-नाथा जिउआव

खोमसि फैसालिया साग्लोबनायनि सिगां

नाजायो आं थांखिसिम सहैनो।

सोरानि आबि सारफावनाय

सानजानि आलायारना रायदावफैयोब्ला

सिरि मोनखाडे उन्दुहाबनाय सोलेरा।

गुं नुस'मोनै जिउनि लामायाव

उदांखौं नायगिरनानै

हानथिबोनाया जानांगौ मोनसे फावथिनासो।

-निजोम बर'  
पशिसम पानेरि, अदालगुरि

हायाखै। फुजा गान सिनिमा, मिथिं-दावथें जेरावबो जरा-जरा बिसोर सानैआ जुदि बिसोरनि मोजां मोनलायनायखौं सोरबा हेंथा होयोब्ला जे बिसोर थैलायगोन। दिनै बिसोरनि मोजां मोनलाइनायखौं मा बुंनो बुहुमावनो गैया। ओजों हाया बुन्दुरामाबो नमिताखौं सिंजौं सिं जोबोते मोजां मोनखुमानानै दड। बुंनो हायैआवसो दड। नुनायाव नमिताया प्रति जिन्ता बायदि। सेंग्राफ्रा नुयोब्ला जायो सिन्था मोननो लुबैनानै। बुन्दुरामाबो नुनायाव फिल्म्नि एक्टर अर्जुन रामफल बायदि नुयो। दिनै बुन्दुरामा नमितानि थाखाय फागला जाबाय। हरबाय बिबो लाइजाम नमितानि हिन्जावफोरनि गोसो मोदायाबो हमनो हाया। बियो थार मोजां मोनबाय बुन्दुरामखौंबो सानसे खालि तेमना मोननि गामियाव नमित बिदानि हाबा बे हाबायाव नमितानि बुन्दुरामजौं खोमसि खनायाव माबा रायज्यायखुमानायखौं तेमनाया नुदौं जाहोनाव तेमनाया रागा। नमितानि तेमनाखौं गारहां-गारहां जाबाय दानिया नमितानिआसो जाबाय सानैनिबो सुथुर। नमितानि बुन्दुरामजौं लोगो जाब्ला तेमनाया रागा जोडे आरो तेमनाजौं लोगो जायोब्ला बुन्दुरामा रागा जोडे। जाबाय दिनै तेमनाया जौं फागला गोदाव सोराव। बे जोनोमाव जौनि एम्फौ। मदाफि बुन्दुरामा नमितानि दाय खलामना खारबाय दिनै नमितानिआ बेकार। बियो बे लैथोआव गनै नाव जावदौंमोन। जायनो नायनो फैयो बेनो नमितानिआ बांसिनानै गालाडे। तेमनाया लाभनि केन्सार बेरामाव हाबनानै दिनै जौनि एम्फौ। नमितानि मानसिफोरनि बांसिनायाव लाजि मोनानै फासि नांनो थैयो।

### दोहोरामनि फेरलेबसे गुमुर

दोहोराम सोदोबा मोनसे

गोथौं आरो गुवार ओंथि दंब्लाबो

सुबुं सोदोमस्त्रिजौं गोथौं सोमोन्दो दंब्लाबो,

दोहोराम फोथायथियाव बेरखांनाय

हामा सोदोबानो जाबाय

सुबुं समाजनि देरसिन आयेन

जाय सुबुंखौं समाजारि जिब जाहोयो।

सरासनस्त्रायै बुंनो थाडेब्ला

जाय फोथायथियाव समाजाव

खौंसेथि आरो अन्जलायनाय बेरखांहोयो

बेनो दोहोराम।

दोहोराम फोथायनायनि आन्दोआव

सासे नुवाथारि आनान गसाइखौं

फोथायनानै जुदि गियामोनब्ला सुबुख

गाजि खामानि मावनो गिनाय नडामोन,

गावजौं गाव फोथायलायनो गोब्राब मोनगौमोन

समाजाव हामा सोदोबाबो गैया जागौमोन

जाउनाव सुबुखबो समाजारि जिब नडै-जागौमोन।

सुबुख सुबुंखौं अननाय

हेफाजाब होनाय आरिनि अनगायैबो

दोहोराम फोथायथियाव आलादा आलादा

नेम 'खांथिफोर सरजाबना दड'

जायखौं लानानै सम सम

दांथे-बिदांथे जायो।

नाथाय आं मोन्दादौंदि

मोनफ्रोम दोहोराम फोथायथियाव

एसेब्लाबो सरजाबना थाफायो

मोनसे समाजनि दोरोडरि

आसार-खांथि आरो बेनि नेम खांथि।

बेबायदिनो दोहोराम फोथायनाया

एसेब्लाबो हेफाजाब होयो

मोनसे हारिनि आसार-खांथि

राव, हारिमु फोथाना लाखिनायाव।

-ज्योतिष मुसाहारि  
जनता फरायसालिमा, सेरफांगुरि  
कक्राइर

### बिबाना आंनि

बिबाना आंनि जाबाय

गोमोरलांबाय बिबान रुजुनग्राय

नाथाइ आंनि खर'आव

गिलिरसिन जाबाय,

हमथाना थाबायनांगौ जाबाय आं

अह, अबंलावरि मा

जिउ दानानै हरखो नौं आंनो।

औं बिबाना आंनि जाबाय

सामलायनांगौ जाबाय आं

नख'रनि बिबानखौं,

सांग्रां गोसो लाना

रुजुननांबाय आं गिलिर बिबान।

लोरबां जायोब्ला गुलुनलांगोन

गिलिर बिबाना आंनि

सानाखैमोन बिबानादि एसेबां गिलिर जागोन होन्ना,

आं मोनथिना मोनबाय

बिबानआदि एसेबां गिलिर

आंनि खर'आव मानोदि गोर्लैखो।

मोन्थिना मोनै गोरलै

गोसोआ हमदानो हायाखैमोन

बिबाननि गुबै महरखौं,

नाथाइ

आं दा मोजाडे बुजिना मोनबाय

बिबाना आंनि रुजुननांगौआ आंनि बिबानखा।

-मनिका गयारि  
गोदान देलहावसि, गहपुर

### बे दैज्लां बोथोरा

बे








## टी-20 वर्ल्ड काप देरहानायनि उनावनो भिराट कहलिआ बिसि अनुष्का शर्मानि सायाव अन्नाय लुफावदों

आथिखालाव टी-20 वर्ल्ड काप देरहानायनि रंजानाय जागासिनो दड। शनिबार मोनायाव इन्डिया आरो खोला आफ्रिकानि गेजेशव बारबाडसआव मेच गेलेनाय जादोंमोन। बे मेचआव भारतआ 7 रन बांसिन जाननै देहसास जानो हादों। बे देरहानायनि उनाव भिराट कहलिआ गावनि बिसि अनुष्काखौ भिडिअ कल खालामदोंमोन। बिथाडा इनस्टग्रामआव मोनसे सावगारि शेरार खालामदों आरो गावनि बिसिनि सायाव गोबां अन्नायखौ लुफावदों। भिराट कहलिजों जुलि जानायनि उनाव फावखुंग्रि अनुष्का



शर्माआ गावनि फिसायखौ गोबां खालामनायखौ नुनो मोन्दों। फावखुंग्रिआ फिसाय भिराटखौ

गावनि उन जाहोआखै। मेचनि देरहानायनि उनाव बिथाडा थाबैनो भिडिअ कलनि गेजेरजों बाथ्रा

सावरायदोंमोन। अदेबानि भिराटआ गावनि बिसिनि मुंआव मोनसे इमशनेल नट शेरार

खालामना बेनि सायाव अन्नाय लुफावदों। गोदान सावगारिजों लोमोसे बिथाडा लिरदोंदि, 'माइ लाभ' नों नडबोला बेयो गसिबो जानो हाथाव नडामोन। बे देरहानाय नॉनि थाखाय जेसेबां गोनांथि, आंनि थाखायबो एसेबांनो गोनांथि। 'टिम इन्डिया आरो फिसाइनि देरहानायव अनुष्का सर्माआ इनस्टग्रामआव मोनै पस्ट शेरार खालामदोंमोन। बिथाडा लिरदोंदि, - आंहा बे सुबुनि सायाव अन्नाय दड। भिराट नोंखौ आंनि न' बुंनयाव आंहा जोबोर खुसि दड। आंनि थाखाय बे खाबुखौ रंजादो। थादो आरो स्पार्कलिंग वाटर लोंहैदो।' बेनि अगायैबो अनुष्काआ नैथि पस्टआव लिरदोंदि, 'जेब्ला जॉनि फिसाजोआ गसिबो गेलेगिरिफोरखौ गाबनाय नुदों अब्ला बिन देरसिन जेंनाया बेमनदि बिखौ गोबानो थाखाय मानो रावबो गैया..... आंनि अनसुलि फिसाजो, बिखौ 150 कौटि सुबुंफोरानो गोबादों। चेंमियन साबायखर'।

## 'कल्कि 2898 एडि' सावथुननि नैथि खोन्दो फैगोनआ सोराडाव फैदों



प्रभास आरो दिपिका पादुकणनि सावथुन 'कल्कि 2898 एडि' आ आथिखालाव बक्स अफिसआव गोबां दोहौ सोमजिहोदों। नाग आश्विननि दिहुन्नायाव बानायजानाय बे साइ-फाइ सावथुनखौ नायगिरिफोर गोसो होसारनानै अन्सायदों। सावथुननि गसिबो फावखौ नायगिरिफोर जोबोर मोजां मोन्दों। गिबि सानावनो मोजां आरजिथाइ खालामनो हानाय कल्कि 2898 एडि

रिलिजनि ब्रैथि सानावनो मुलुगनाडैनो 500 कौटि रॉनि खाथियाव सौहैबाय। बे सावथुननि सल'खौ नायनायनि उनाव आथिखालाव अन्सायगिरिफोर सुपारस्टर प्रभास आरो अमिताभ बच्चननि सावथुननि नैथि खोन्दोखौ जोबोर गोसो गुदुडै नेनानै दड। आथिखालाव नैथि खोन्दोखौ जोबोर गोसो गुदुडै नेनानै दड। आथिखालाव नैथि खोन्दोनि थाखाय

नायगिरिफोर गोबाव सम नेनांगोन। मेकासफोरा गिबियावनो मिबथिहोखांबाय, प्रभास, दिपिका आरो अमिताभ बच्चननि सावथुनआ नैथि खोन्दो फैगोन। दाबावैसो 2898 एडि सावथुननि रिलिजनि उनाव दिथागिरि नाग आश्विनआ रायलायनायनि गेजेरावनो प्रभास आरो दिपिकानि अन्सायगिरिफोरनो मिबथिहोदोंदि, कल्कि

सावथुननि नैथि खोन्दोआ माब्ला रिलिज जागोन। हिन्दुस्तान टाइम्सआव ओं खारनाय रिपर्टनि बायदिब्ला, नाग आश्विनआ लाइभ चेटनि गेजेरजों अन्सायगिरिफोरखौ मिबथिहोदोंदि, ब्लकबास्टर सावथुन 'कल्कि 2898 एडि' नि नैथि खोन्दोखौ सिनेमाहलफोरव रिलिज जानाया आथिखालाव 3 बोसोर नांवावगोन। दिथागिरिआ लाइभ सेशननि गेजेरजों बेखौबो मिबथि होदोंदि, कल्कि 2 आ गासै 60 जौखोन्दोसिम आबुं जाबाय। कल्कि 2898 एडि सावथुनआ भिलेननि फाव खालामनाय कमल हासनआ मोनसे इन्टरभडनि गेजेरजों मिबथिहोदोंदि, सावथुननि नैथि खोन्दोआव बिथानि फावआ बांसिन जागोन। बे सावथुना इन्डियाआव गसिबो रावफोरव गासै 302.4 कौटिनि फालांगि खालामबाय।

## 'बिग बस अटिटि 3' नि बड़ा पाव गार्ल चन्द्रिका दिक्षितखौ अपमान खालामनायनि सायाव अनिल कापुरआ सौंखारिदों

बिग बस अटिटि सिजन 3 नि जागायनाया जोबोर गोगोमैनो जागायदोंमोन। अनिल कापुरनि हस्ट खालामनायाव बे स्व'आ गावनि गिबि सप्ताहखौ फोजोब्बाय। बे सिजनआव गोबां रोखोमनि गोसो गुदु कन्टेस्टेन्टफोरखौ नुनो मोन्दों। आरमान मालिकआ, जेरव सानै बिसिफोरजों पायल आरो कृ तिकाजों लोमोसे स्व'आव हाबफैदों, अब्ला फारसेथि बड़ा पाव गार्ल चन्द्रिका आरो शिवानि कुमारि बायदि कन्टेस्टेन्टआबो स्व'आव गोबां सावरायबाय थाजादों। गिबि विकेन्दिनु जुजिलायनाया गोबां गोब्रावमोन, जेरव स्व'निफ्राय आरमान मालिकनि गिबि बिसि पायलआ एलिमिनेट जाबाय, अब्ला गुबुन फारसेथि अनिल कापुरआ सलमान खाननिफ्रायबो बांसि स्ट्रिक्ट हस्ट खालामग्रा नुनो मोन्दों। फावखुंग्रिआ गिबि सप्ताहयावनो न'नि सासै



सायाव बिनि स्टेमेटनि थाखाय रागा दिन्थिदों। अदेबानि 'नागिन' नि फावखुंग्रिआ बिग बसआव फैनानयनि सिगां बड़ा पाव गार्ल चन्द्रिका दिक्षितखौ स्व'आव बाहागो लानायाव रिपेक्ट होदोंमोन। बिथाडा बुंदोंदि, बिग बसआ आथिखालाव माबादि कन्टेस्टेन्टखौ लानानै फैगासिनो दड। बिथानि बे भिडिअखौ स्व'आव स्पेशियेल

कन्टेस्टेन्टखौ थिनहरबाय। शनिबारनि एपिसडआव अनिल कापुरआ सना मकबुलनिफ्राय लानानै लबकेश कटारिया आरो बिशालखौ जोबोर खोनासंहोदों, गुबुन फारसेथि रबिबानि एपिसडआव 'मिस्टार इन्डिया' नि नोजोरव खालि सासेल' कन्टेस्टेन्ट फैदों। बिग' बस अटिटि 3 नि रबिबानि एपिसडआव अनिल कापुरआ फावखुंग्रि पौलमि दासनि

आलासि जानानै नुजाफैनाय रफतारआ प्ले खालामहोदोंमोन। चन्द्रिकायाथ' बे भिडिअनि सायाव जेबो रिपेक्ट खालामाखै, नाथाय अनिल कापुरआ पौलमिखौ गोबां सौंखारिदों। बे बाथ्राखौ खोनानायनि उनाव अनिल कापुरनि सिगांआव पौलमिआ गावखौ डिफेन्ड खालामनो थाखाय नाजादोंमोन, नाथाय बिथाडा फावखुंग्रिनि मोनसेबो खोनासंआखैमोन।

## गाहाम देहानि राहा

### माखासे फिथाइफोरनि जुस बानायनानै लोडेब्ला मोखाडाव नेसुरेल ग्ल' फैयो

नेसुरेल ग्ल'नि बाथ्रायानो आलादा जायो। जेब्ला सुबुंफोरा नोंथानो मेकआप फुना जासेबो कमप्लिमेन्ट होयोब्ला नोंथाडा गोबां गोजोनो जानांगौ। दागो गैयै, स्लिम बिगुर, टमेट बायदि गोजा-गोजा समाइना खालाइखौ गोबां मोजां नुयो। जुदि नोंथाडाबो बेबायदि स्क्रिननि सेक्रेट फर्मुलाखौ हास्थायोब्ला नोंथाडा गावनि डाइटाव माखासे जुसफोरखौ लाफादेरनो हागोन। (1) बिट: बिटआव माखासे निउटिसन मोन्नाय जायो। बेवहाय थानाय पलेटाअ स्क्रिन सेल्सखौ बांहोयो। बिटामिन सिआ बैसो बांनानयनि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरटिनआ बिगुरनि डेमेज



जानायनिफ्राय रैखाथि होयो। (3) आपेल: आपेलआ एन्टी अक्सिडेन्टजों बुंफनबाय जायो, जाय तिश्य डेमेजखौ होबथायो। बेखौ जुसआव लाफादेरनायजों बिगुरआव कलेजम आरो इलास्टिनआ बाडो। जायजों नोंथांखौ लाइमोन नुयो। बेनि अनगायै भिटाभिन ए, बि कमफ्लेक्स आरो सिआ स्क्रिन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुखानायखौ बाडाइ खालामो। बेखौ

बिगुरआव फुन्नाय एबा जाग्रा आदाराव लाफादेरनायजों दागो जानायफोरनि जेंनाया जानगार जायो। लोमोसेनो नेसुरेल ग्ल'खौ मोन्नो हायो। (5) आमलाइ: आमलाइयाव भिटाभिन सिखौ मोन्नो हायो, जाय बैसो बांनानायबो गोहोम खोखैनो हायो। आमलाइजों थैआ साखोन-सिखोन जायो, जायजों मोखाडाव दागो, सिथरनि जेंनाया जाया। लोमोसेनो प्रि रेडिकेल्सनिफ्रायबो रैखाथि होयो।

## भजपुरनि देंखोगिरि नेहासिं राठौरआ टि-20 वर्ल्ड काप देरहानायनि सायाव रंजानायखौ सौंखारिदों



भारतआ 17 बोसोर उनाव टि-20 वर्ल्ड कापखौ देरहादों। क्रिकेट मोजां मोनग्रानिफ्राय लानानै गसिबो हादतानो बे देरहानायनि थाखाय रंजादों। शनिबारव फाइनाल मेचआव भारतआ खोला आफ्रिकाखौ फेजेनानै बे ट्रफिखौ

गावनि मुं खालामदों, जेरव बे देरहानायनि खुसिखौ हादतनाडै नो सुबुंफोरा रंजागसिनो दड। गुबुन फारसेथि भजपुरनि देंखोगिरि नेहा सिंह राठौरआ बे रंजानायखौ मोजां मोनाखैमोन। बे देरहानायनि खुसिखौ रंजानायव सुबुंफोरा

नेहा सिं राठौरखौ मोजां मोनाखै। गावनि सशेल मिडिया पस्ट एक्सआव देंखोगिरिया क्रिकेट मोजां मोनगिरिफोरनिफ्राय लानानै बिसिसिआइ सिमखौ गोबां सौंखारिदों। बिथाडा गावनि पस्टआव लिरदोंदि, 'क्रिकेटनि अभाडजआ देरफुनाय

सुबुंफोरनि बुदिखौ गाजि खालामबाय। सुबुंफोरा गाव गावनि जेंना आरो दुखुखौ बाउगारनानै खेलाफोराव गोदोसोनानै थायोमोन आरो फारसेथि गेलेनाय जायोमोन। हादतखौबो बिबिनो अबस्था खालामबाय....। बिथाडा गावनि पस्टआव आरोबाव लिरबावदोंदि, थामजिनै बोसोरनि बैसोयाव बिफानि रंजों बायनाय मबाइलआव नेट पेक सोनानै क्रिकेटखौ गावनि थोरम मिबथिहोनाय जेबो खामानि गैयै.....नों खालि दयानि पात्रसो। हादतआ जेब्लासिम देरहानाय नडा अब्लासिम नों आरो नोंसोर बायदि लाख लाख देरफुनाय सुबुंफोरा जेबो मावया लासै थागोन।

## 'महाराजा' सावथुननि फावखुंगुर बिजय सेतुपतिआ गावनि गथ 'फोरजों माबायदि थायो बेखौ मिबथिहोदों

बिजय सेतुपतिआ तामिल सिनेमानि गेदेर स्टरमोन। आथिखालाव बिथानि सावथुन 'महाराजा'या जोबोद सावराय जागासिनो दड। बिजय सेतुपतिआ गावनि मोजां खामानिजों लोमोसे गावनि फेमिलि लाइफनि थाखायबो मिबथि जायोमोन। आथिखालाव फावखुंगुरआ गावनि फिसाजो श्रिजा आरो फिसाज्ला सुर्यजों लोमोसे गावनि सोमोन्दोखौ लानानै सावरायदों। बिजय सेतुपतिआ बुंदोंदि, बियो गावनि गथ 'फोरजों फ्रेंडलि रिलेशन लाखियो। बियो माब्लाबाबो गावखौ बिफा बायदियै दिन्थिया। बिथाडा सानोंदि,



गथ 'फोरनो बिबिद रिलेशन लाखिनांगो, जायजों बियो गियालासे गावनि गोसोनि बाथ्राफोरखौ शेरार खालामनो हायो। श्रिजा आरो सुर्यजों गावनि रिलेशनखौ लानानै बेरायटिजों बाथ्रा सावरायलायनायाव बिजय सेतुपतिआ बुंदोंदि, आंहा सासे फिसाज्ला आरो सासे फिसाजो दड। आं आंनि फिसाजोखौ

जोबोद अनो। आं बिखो 'अम्मा' (मा) आरो आंनि फिसाज्लाखौ 'अप्पा' (पापा) बुंनानै गाबत्रियो। आं गावखौ माब्लाबाबो बिफा महरै नुजाथिया। माब्लाबा माब्लाबा आं गावनो गथ' जाफिनो। बिजय सेतुपतिआ बेखौबो मिबथिहोदोंदि, बियो गावनि गथ 'फोरखौ गावनि प्र फे शाने ल लाइफनि

सोमोन्दैबो बाथ्रा सावरायदों। बिजय सेतुपतिआ बुंदोंदि, 'आं बिजों बाथ्रा सावरायबाय थायो आरो जेब्लानो आं शुटिनि थाखाय ओंखारलाडो, जुदि आंनाव जेबो गोसोआव नांथाव सिन थायो अब्ला आं बिसोरजों बाथ्रा सावरायो आरो बिसोरजों शेरार खालामो। महाराजायाव बिजय सेतुपतिआ सासे बिफानि फाव दिन्थिदोंमोन। निथिलाम स्वामिनाथनआ सावथुनखौ डायरेकशन खालामदों। महाराजायाव बिजय सेतुपतिजों लोमोसे ममता महनदास, अनुराग कश्यप आरो सिंगमपुलिआबो गाहाइ फावफोराव दंफायो।

## तालिबानआ आइजोफोरखौ सोफायैनि शर्तआव इउएन जथुमायाव बाहागो लादों

इस्लामाबाद, 1 जुलाई : तालिबाननि मोनसे थान्दै आफादा रबिबारखालि कातारआव आफगानिस्ताननि सायाव इउएननि खुंनय जथुमायाव बाहागो लायो। बे जथुमायाव खुंगिरिफोरनि गेजेरजों

आइजोफोरखौ बाहागो लाहोनाय नडा होन्ना खोथा होनायनि उनाव थान्दै आफादा जथुमायाव बाहागो लायो। सान्नि थखाय खुंनय बे जथुमाया कातारनि राजथावनि दहायाव आफगान अलखदनि सायाव इउएननि

गेजेरजों खुंनय थामथि जथुमा। तालिबान सरकारनि गाहाइ बुंथिगिरि आरो बिसोरनि थान्दै आफादा दैदेनगिरि जविहुल्ला मुजाहिदाआ एक्सआव लिरोदि, थान्दै आफादआ बे जथुमानि गेजेरजों रसिया, भारत आरो



उब्बेकिस्तानजों लोमोसे गुबुन हादतफोरनि थान्दैफोरजों लोमो हमदों। गिबि जथुमायाव तालिबानखौ खालायहयखैमोन आरो इउएननि गाहाइ नेहाथारि एन्टनिय गुतेरेसआ बुंदोंदि, तालिबानआ फेबुनारी दानाव

जानाय नैथि खेबनि जथुमायाव बाहागो लानो थाखाय माखासे गनायजाथावै शर्तफोर लाखिदोंमोन, जेरव आफगान नोगोरारि समाजनि सपेदोमोफोरखौ सावरायनायनिफ्राय जानगारव

लाखिनो आरो तालिबानखौ हादतनि आइनारिगनायथि मोन्नाय खुंथाइ महरैगनायनायनि शर्तफोर दंफायोमोन। तालिबानआ थानाय 2021 आव आफगानिस्ताननि खुंथाइनि सायाव कन्सुल खालामनो हादोंमोन।



## चीननि हादरगिरि शि जिनिफिंआ एससिअ शिखर सम्मिलनआव बाहागो लागोन

बेइजिं, 1 जुलाइ: काजाकिस्ताननि राजथावनि अस्तानायाव शांघाइ हेफाजाबगिरि फसथान (एससिअ) नि 24 थि शिखर सम्मिल जानो थांगासिनो दड। बेराफासै चीननि गुबुन हादरगिरि बिफानआ रबिबारखालि खौरां होदोदि, चीननि हादरगिरि शि जिनिफिं शांघाइ हेफाजाबगिरि फसथान (एससिअनि) शिखर सम्मिसनआव बाहागो लागोन। बेराफासै भारतनि फासैनिप्राय गुबुन हादरगिरि मन्थि एस जयशंकरआ दैदेनगोन। चीननि बिफानआ बुंदोदि, 2-6 जुलाइआव हादरगिरि जिनिफिंआ अस्तानायाव एससिअनि दैदेनगिरिफोरनि परिषदनि 24 थि जथुम्मायाव बाहागो लागोन। बिबानगिरिफोरनि बादिब्ला, शिखर सम्मिलनआव आफगाननि थासा, रसिया-इउक्रेन दावहा आरो एससिअ सोद्रोमायारि हादरफोरनि गेजेयव रैखाथियारि हेफाजाब होलायनायखौ बांहोनायनि



सायाव सावरायनो हागौ। मख'नो गोनादि, एससिअआव भारत, चीन, रासिया, पाकिस्तान, काजाकिस्तान, किर्गिस्तान, ताजिकिस्तान आरो उन्बेकिस्तानआ दंफायो। बेनि सिगां भारतनि गुबुन हादरगिरि बिफानआ बुंदोदि, हादरखौ गुबुन हादरगिरि मन्थि एस जयशंकरआ दैदेनगोन। शिखर सम्मिलननि समाव जयशंकर आरो चीननि गुबुन हादरगिरि मन्थि वां यीनि गेजेयव जथुम जानो हागौ। जुदि बेबादि जायोब्ला बेयो भारतआव बावै सो सिगां जालां नाय सरासन्सरा बिसायख'थिनि उनाव गाहाइ मन्थि नरेन्द्र

मदिनि दैदेनयाव थामथि खेब सरकार दानायनि उनाव भारतयारि आरो चीननि बिबानगिरिफोरनि गेजेयव गिबि खेब गोर्जो थाखोनि जथुम जागोन। एससिअआ गावनि सोद्रोमायारि हादरफोरनि गेजेयव ओन्सोलादि रैखाथि उतरखारि होबथानाय आरो रांखाथियारि हेफाजाब होलायनायनि मिरु। बे फसंथानआ इउरेसियान बाहागोनि 60 जौखोन्दीनिखुइ बांसिन मुलुगनि 40 जौखोन्दी थागिबि आरो मुलुगयारि जाफुंसार नख'थि दिह्थायनि 30 जौखोन्दीखौ क भार खालामो।

## फ्रान्सनि संसदयारि बिसायख'थिनि गिबि खोलोबाव हादतगिरि मेक्रननि पार्टीआ जेन्नाडो

पेरिस, 1 जुलाइ : फ्रान्सआव रबिबारखालि संसदयारि बिसायख'थिनि गिबि खोलोबनि भट सोनाया जाना थाडे, जेयव हादतगिरि इमानुएल मेक्रननि दैदेनयाव जुथाइ पार्टीया सोमोनाडे। मेरिन लि पेननि दैदेनयाव नेशनेल रेलि पार्टीआ गिबि खोलोबनि बिसायख'थियाव देरहायो। नाथाय जोबथा बिसायख'थि फिथाइखौ फैगौ 7 जुलाइनि जोबथा खोलोबनि बिसायख'थि जोबनानै फोसावनाय जागोन। पेनआ बुंदोदि, हादतगिरि मेक्रननि दैदेनयाव जुथाइ पार्टीया बे बिसायख'थिनिफ्राय मोखां सायर' जानां बाय। बिसायख'थिनि सिगां सार्भेयाव हादतबादफोर बांनयनि इसारा मोन्दोमोन। नैथि मुलुग दावहानि उनाव राइट उई पार्टीसनि बेयो बयनिबो देरसिन देरहासार जानो हागौ। मोन्ने खोलोबाव खुंजानाय बिसायख'थिनि नैथि खोलोबा फैगौ 7 जुलाइयाव



जागोन। बे बिसायख'थिनि गोहोमा इउरपनिफ्राय हेफाजाब होनाय आरो फ्रान्सनि निउक्लियार हाथियारफोरनि बाखियावबो गोग्लैनो हागौ। फ्रान्सआव बे समाव सुबुंफोर


बेसेन बांनय आरो बेजो लोब्बा गोनां जेनाफोरजो मोगा-मोगि जानां गासिनो। बिसोरो हादतगिरि मेक्रन सरकारनि गनायथावै खाथिफोरखौ लानानै रगा जौना दड। बिब्दियाव मेरिन

लि पेननि बेरेखा दोलो नेशनेल रेलि पार्टीया अपिनियन पलआव देरहासार जायो। गिबि खोलोबनि बिसायख'थियाव बे बाश्राया फोरमानबो जाबाय।

बिसायख'थियाव राजखाथि दोलोफोरनि जुथाइ पार्टी निउ पपुलार फ्रन्टआबो मेक्रननि थाखाय सेलेन्स नुजाथिहोगासिनो। फ्रान्सआव 5 कौटि भटारफोरा नेशनेल एसेमब्लिनि 577 सोद्रोमाफोरखौ सायख'गोन। नेशनेल एसेमब्लिया फ्रान्सनि संसदनि गोहोम गोनां गाहाइ सदन। रबिबारआव जानाय बिसायख'थिआव समा आबुं जानायनि 3 घन्टा सिगांनो 59 जौखोन्दी भटारफोरा भट होखादोमोन। भटारनि बे जौखोन्दीआ थानाय बिसायख'थिनि गिबि खोलोबाव भट होनाय जौखोन्दीनिबो बांसिन।

## जर्दान बार्डेलाया फ्रान्सनि गाहाइ मन्थि जानो हासिगौ

गोदान दिल्ली, 1 जुलाइ : फ्रान्सनि बिसायख'थिफोराव सासे सुबुंनि मुंआ सुलुडव गोबाव सम थाबाय थादो। बिनि मुखनो जाबाय जर्दान बार्डेला, बिथाड 26 बोसोर बैसोनिल' आरो बिथांखौ फ्रान्सनि बयनिखुइ लाइमोनसिन गाहाइ मन्थि जानो हागौ होना गनायना लानाय जादो। जर्दान बार्डेलाया आरएननिबो आफादिगिरि जाखांबाय। फ्रान्सआव जर्दान बार्डेलाया नेशनेल रेलिनि बिजाथि आरो सार्भेफोराव बिथाडा बयनिखुइ सिगाडव आवगायगासिनो दडआरो बिनि फारसे लाइमोनफोरा गोबां अन्साइयो। आथिखालनि इउरपीय बिसायख'थिफोराव गाथिचै जेन्नायनि उनाव हादतगिरि इमानुएल मेक्रनआ बिसायख'थि फोसावदोमोन। सार्भेनि बायदिब्ला आरएनआ बयनिखुइ बांसिन भट शेयार मोन्ने हागौ। बेराफासे जर्दान बार्डेलाया थानाय 2017 आव मरिन ले पेननि हादतगिरि हाबाफारि मावग्रा हान्जानि बाहागोबो जाखांबाय। फ्रान्सनि राजखाथिनाय बिथाडा बयनिखुइ देरसिन टिकटक फलइफोरनि गेजेयव सासे आरो बियो लाइमोन बाख्नायगिरिफोरजो लोगोसे



सेल्फि लानायवाव माब्लाबाबो हेथा खालामा। जर्दान बार्डेलाया थानाय 2019 आव इउरपीय संसद (एमइपि) नि सोद्रोमा आरो 2015 निफ्राय इले-डि-फ्रान्सनि ओन्सोलादि गाहाइ महैरबो खामानि मावदोमोन। बेनि उनाव 2022 आव मरिन ले पेननि गेजेरजो गावनि

हादतगिरि हाबाफारिखौ जागायनो थाखाय पार्टीनि आफदिगिरि मासिनिक्रय बिबान एंगलायनायनि उनाव बार्डेलाखौ आरएननि आफदिगिरिबानायो। बेनि उनाव बिथांखौ पार्टीनि आफदिगिरि महैरबो नय जायो। आरएननि फेसावबिलाइखौ समबारखालि बेखेवना होनाय जायो। जेयव

बिनि बिथांखौ फोरमायनाय जादो। बेयाव बुंनय बायदिब्ला, फ्रान्सआव गुबुन हादतयारिफोरखौ लानानै नेम-खाथि थि खालामनाय जागोन। बेयाव टेक्स बांनयाव खम खालामनाय जागोन आरो स्कुलफोराव गोबां मोन्थाइ गाइसनाय जागोन। बिथाड भट होग्राफोरनोबो खोथा होनो नाजागासिनो दडदि, बिसोरनि पार्टी, जायखौ रासियानि हेफाजाबगिरि महैर नोजोर होनाय जायो। बिसोर गोलाव समनि हाथियारफोरनि नेम-खाथिखौ होबथानानै इउक्रेननो मदत होनायखौ सोलिंलाहोबाय थागोन।

## तामिलनाडुआव बिष गोनां जौ लोनायजो थैनायफोरनि अन्जिमाया सा 65 सिम सौहैबाय

कल्लाकुरिचि, 1 जुलाइ : तामिलनाडुआव बिष गोनां जौ लोनाय थैनायफोरनि अन्जिमाया लांथियै बांनयखौ नुनो मोनगासिनो दड। जिल्ला कालेक्टरनि बायदिब्ला, तामिलनाडुनि कल्लाकुरिचि जिल्लायवाव आइन बेरेखा जौ लोनाय जाथायाव थैनायफोरनि अन्जिमाया आथिखालाव बांनानै 65 जाहैबाय। फारसेथिं थानाय साननि बेलासियाव राइज्यो नाडे नि देहा फाहामसालिफोरनिफ्राय सा 148 सुबुंफोरखौ हगारबाय। आथिखालाव कल्लाकुरिचि सरकारि देहा फाहामसालियाव सानै सुबुंनि फाहामथाइया सोलिगासिनो दड होन्ना बिबानगिरिफोरा फोरमायदो। बेराफासे पुडुचेरियाव सा 6 सुबुंफोरनि फाहामथाइ सोलिगासिनो दड। अदेबानि गासै सा 16 सुबुंफोरनि फाहामथाइया दासिमबो



सोलिगासिनो दड। बेनि सिगां एनसिए ब्लिउआ जौजो सुबुंफोर थैनाय जाथायखौ नायबिजिरनो थाखाय एनसिडाब्लिउ सोद्रोमा खुशबु सन्दुरनि दैदेनयाव सा 3 सोद्रोमायारि नायबिजिरग्रा कमिटि दादोमोन। बेनि उनाव सुन्दुरनि दैदेनयाव माहारियायि आइजो आयगनि सा 3 सोद्रोमायारि थान्दै आफादआ तामिलनाडुनि कल्लाकुरिचि

जिल्लायवाव जौ लोनाय थैनायजो भुगिनांनय नख'रफोरजो लोगो हमो। बेनि सिगां 28 जुनआव बिजेपि दैदेनगिरि अनिल एन्टनी, अरबिन्द मेनन आरो एमपि जिंके वासनि एनडिए थान्दै आफादआ माहारियायि एससि आयगनि आफादिगिरि किशर मकवानाजो लोगो हमो आरो कल्लाकुरिचि आइन बेरेखा जौनि जाथाइनि सोमोन्दै

मोनसे गोसोखांलाइ गथायो। बिसोर चेयारमेननियाव बेखो रोखा खालामनो आर'ज गाबोदि, कल्लाकुरिचि बिष गोनां जौ लोनाय थैनायजो भुगिनायफोरनि नख'रफोरनो थोजासे रांखाथि अन्सुंथाइ आरो बिजिरनाय मोन्नागौ। गोसोखां भुगिनांग्राफोरनो बिजिरनाय होनायाव थाबैनो आखाय होनो दाबि दैखादो।

## टयटाआ जुन दानआव 27,474 इउनिट फान्दो हादो

गोदान दिल्ली, 1 जुलाइ: भारतयारि बाजारआव जापाननि गाहाइ कार दिह्नुनग्रा टयटा नि कार आरो एसइउभिखौ सुबुंफोरा जोबोद अन्सायदो। कम्पनीनि फासैनिफ्राय थानाय जुन 2024 आव कम्पनीआ बेसेबां इउनिट फान्दो हादो बेखौ मिथिहोदो। लोगोसेनो बे बोसोरनि गिबि 6 दाननि कम्पनीआ दिन्थिफुनायखोबो फोरमायदो। टयटाआ जुन दानआव भारतयारि बाजारआव पजिटिभ गथ थिसन्दो। कम्पनीनि फासैनिफ्राय मिथिहोनाय बादिब्ला, जुन, 2024 आव गासै 27,474 इउनिट फान्दो हादो। जेयव 1,722 इउनिटनि एक्सपर्टआबो दंफायो। बेनि सिगां थानाय बोसोरनि जुन दानआव कम्पनीआ 19,608 इउनिट फान्दो हादोमोन। अन्जिमा बादिब्ला, कम्पनीआ इयार अन इयार बेसिसआव 40 जौखोन्दी गथ थिसनो। टयटाआ जानुवारिनिफ्राय जुन दाननि गेजेयवबो 47 जौखोन्दी बांनय थिसन्दो मोन्दो। बे समाव



कम्पनीआ गासै 1,50,250 इउनिट फान्दो हादो। बे एखे समावनो 2023 नि जानुवारि-जुनआव कम्पनीआ 1,02,371 इउनिट हादरगाडे फान्दोमोन। टयटा नि फासैनिफ्राय भारतयारि बाजारआव गासै गं 11 गारिफोरखौ अफर होयो। जेयव हेचबेक सेगमेन्टनिफ्राय लानानै प्रिमियम एसपिभि सेगमेन्टआबो दंफायो। हेचबेक सेगमेन्टआव ग्लान्जाखौ अफर होनाय जायो। लाज्गारि सेगमेन्ट महैर चेम्प्रीखौ अफर होयो। बेराफासै एमपिभि सेगमेन्टआव

सियल, 1 जुलाइ: सा करिया आरो खोला करियानि गेजेयव गोरोबलायै आ बांसिन जाबोगासिनो। सा करियाआ सा-सान्जा जिगथि मोननै बेलिस्टिक मिसाइल गावहरदो। मख'जाथावदि, आमेरिका, खोला करिया आरो जापाननि जुथाय सान्थि हुदा खालामनायनि फिनजाथाय महयव सा करियाआ मिसाइल गावदो, जायनि बागै सा

करियानि जइन्ट सिफ अफ स्टाफआ मिथिहोदो। बिथाड मिसाइल लन्चनि खौरां होनाने बुंदोदि, खोला-सान्जा सा करियानि जायन सहरनिफ्राय मिसाइलखौ सा-सान्जा फासै 10 मिनिटनि सम नांनय गोजानआव लन्च खालामदोमोन। गिबि मिसाइलआ 600 कि:मि: आरो नैथि मिसाइलआ 120 कि:मि: उरयलानानै गोग्लैहैदो। नाथाय



बेफोरो बबे जायगायाव गोग्लैदो बेखौ मिथिहोयाखै। सरसन्सायै सा करियाआ गावनि सान्जा दै बाहागो फासै मिसाइलफोरखौ आन्जाद खालामो, नाथाय नैथि मिसाइलनि लन्चआ बै बाहागोसिम सौहैनायनि थखाय खम गोखैथियाव खारलादो। गिबि मिसाइलखौ सा-सान्जा दिगथि फुनि 5.05 रिंगायाव लन्च खालामदो। सुलुंनि बादिब्ला, गिबि

मिसाइलआ साहाथिनि सान्जाफासै थानाय सहर चंजनिनि दैयाव गोग्लैयो। बेनि सिगां रबिबारआवबो सा करियानि गुबुन हादरगिरि मावख'आ खोला करिया, आमेरिका आरो जापाननि जुथाय सान्थियारि हुदाखौ सौखारिदोमोन आरो गोखौ फिनजाथाय होगोन। सा करियाआ बुधबारआव सान्जा लैथोनि फासै बेलिस्टिक मिसाइल गावहरदोमोन।

## सा करियाआ फिन मोननै बेलिस्टिक मिसाइल आन्जाद नायदो



## इउपि-बिहारजों लोगोसे दर 15 राइज्योफोराव अखानि एलाट फोसावदों

गोदान दिल्ली, 1 जुलाई : महारियारि रजथानि दिल्लीजों लोगोसे गासै सा भारतआव मौसुमि बोथोरा आगान होफै बाय। आथिखालाव सुबुंफोरा मौसुमि बोथोरनि अखानि गोजोन्याय लागसिनो दड। बेराफारसे, माखासे जायगाफोराव अखाया गिखंथाव महर लायो। उत्तराखान्डआव सानसेनि अखाजोंबो हरिदर आरो ऋषिकेशआव दै बाना बायदि थासारि सोमजिदों। फारसेथिं बोथोर बिफानआ दिल्ली-एनसिआरजों लोगोसे उत्तराखान्डआव दिनेबो अखानि सांग्रंथि फोसावदों। दिल्लीनि अनगायै बिहार, सिक्किम, आसाम, लेडाइ हिमालयनि सोनाब बंग, तेलंगाना, कर्नाटक, केरला आरो हिमाचल प्रदेशआव सरासन्धानिफ्राय गेजेर थाखोनि अखाजों लोगोसे माखासे जायगाफोराव गोबां अखा हानो



हगौ। बिफानआ रजथानियाव समबार आरो मंगलबाराव जोमै सालोबना थागोन आरो गोबां अखा हानायखौ हमदादों। लोगोसे दिल्ली आरो बेजों नांजाबनाय राइज्योफोरनि माखासे जायगाफोराव गोबां अखा हानायखौ हमदादों। बिफाननि बायदिब्ला, दिल्लीयाव रबिबार हराव गोखों

बारजों लोगोसे गेजेर थाखोनि अखा आरो अखा खोरोबनायजों लोगोसे सा-अथाइबो गोलैनो हागौ। उत्तर प्रदेशआव राजथानि लक्ष्मैजों लोगोसे गासै राइज्योआव मौसुमी बोथोरा एकिटभ जायो। रबिबारखालि माखासे जिल्लाफोराव जुब-जुब अखा हायो। गरखपुर, देवरिया आरो

सन्तबीरनगराव सार-अथाइ गावनाय जाथाइफोराव साबा सुबुंफोर थैयो। बेराफारसे सा 22 सुबुंफोरा खामो। फारसेथिं बोथोर बिफानआ दिनेनि थाखायबो गोबां अखानि सन्देह' फोसावदों। राजथानि पाटनाजों लोगोसे गासै बिहारावबो मौसुमि बोथोरा एकिटभ जाबाय।

## टीम इन्डिया टि-20 वर्ल्ड काप देरहासार जानायनि उनाव अमिताभ बच्चननि मेगनाव मोदै गदों


17 बोसोर गोबाव समनि उनाव टि-20 वर्ल्ड काप फाइनालआव भारतआव शनिबारआव जोबोद मोजाडै देरहासार जानो हादों। भिराट कहलीआ जेराव 76 रान बानायो अन्ला फारसेथिं सुर्य कुमार यादभनि बै केस खालामनायखौ माबोरै सोर बावनो हानो, जाय मेचखौ सोलायनायनि खामानि मावदों। शनिबार मोनानिफ्राय गासिबो हादतआनो मेचनि देरहासारनायाव गोदोसोना दड। साधारण सुबुंनिफ्राय लानाने बलिउड सल्लेक्सफोराबो बे मेचनि फारसे सावरायनायाव मेडाखै। साफ्रोमबो सशोल मिडियानि गेजेरजों टीम इन्डियाखौ साबायखर हरनाय नुनो मोन्दों। गुबुन फारसेथिं फिन खुनसेबाव अमिताभ बच्चनआ गावनि खुसिखौ फोसमायदों। भारतआव शनिबारआव दिवालीनि खाबुनि बायदि रंजानाय जादों। अमिताभ बच्चनआ रबिबार मोनानि 30 जुनआव सशोल मिडिया एक्सआव मोनसे गोदान पस्ट शेयार खालामदों, जेराव बिथाइ लिरदोंदि, 'मोदै गगासिनो दड।



वर्ल्ड चैम्पियन इन्डिया... भारत माता की जय... जय हिन्द जय हिन्द जय हिन्द। बेनि अनगायै अमिताभ बच्चनआ गावनि बलगआव लिरदोंदि, एक्ससाइटेड... इमशंस जाजोब्याय गासिबो, नाथाय आं टिभरखौ नायाखै, मानोना जेब्ला आं नायो अन्ला जों जेनो। मख 'नो गोनांदि, 27 जुनआव

सिने माहलफोराव रिलिज जानाय सावथुन कल्कि 2898 एडियाव दिपिका पाडुकुण आरो प्रभासजों अमिताभ बच्चनखौबो नुनो मोन्दों।

## भारतआरि सान्थियाव गिबि खेब इन्डिजेनियास चिप गोनां मबाइल बेस स्टेशनखौ सोफादों



गोदान दिल्ली, 1 जुलाई : भारतआरि सान्थियाव गिबि खेब इन्डिजेनियास चिपनि सायाव बिथा खालामग्रा 4 जि मबाइल बेस स्टेशनखौ सोफादों, जायखौ सरकारि इ-मेकेट प्लेस (जेम) पर्टेलनि गेजेरजों बंगालुरुयाव थानाय कम्पानी सिग्नेलट्रानिफ्राय बायनाय जादों। सान्थिफोरा बेनि 20 इउनिट बायदों। सिग्नेलट्रानि

गायसनगिरि हिमान्यु खसनिसेआ फोसमायनाय बायदिब्ला, सहयादि एलटिड बेस स्टेशनफोराव बाहायनाय चिप सिग्नेलचिपनि गेजेरजों दिहुदों। थानाय 2010 याव खमसिन आरो बिनि टिमआ 4 जि आरो 5 जि नेटवाक्सनि थाखाय सिग्नेलचिपनि गेजेरजों दिहुदों। थानाय 2010 याव खमसिन आरो बिनि टिमआ 4 जि आरो 5 जि नेटवाक्सनि थाखाय कम्पानी सिग्नेलट्रानिफ्राय सेमिकन्डाक्टर कम्पानी सिग्नेलचिपखौ गायसन्दोंमोन।

खसनिसेआ फोरमायोदि, सिग्नेलट्रानिआ सिग्नेल चिपनि गेजेरजों 4 जि आरो 5 जि नेटवाक्सनि थाखाय दिहुदनाय भारतनि गिबि चिपखौ बाहायनाने गासै नेम-खान्थिखौ हादतयाव बानायदों। बेखौ भारतआरि सान्थिआव सोफानाया गिबि खेब जादों। भारतआरि चिपफोरखौ बाहायनाया सालायनाय समाव नेम-खान्थिखौ रैखाथि होयो। बिथाइ फोरमायबावदों, सहयादि एनआइबि स्टेन्डअलन आरो सेलुलारआ मोनैबो मडयाव खामानि मावनायाव जाफुंसारो हायो। लोगोसे गोजाम ऐनालग आरो आइटि टेलिफननि नेम-खान्थिफोरजों लोगोसे इन्टर-अपरेशनआव जाफुंसारो। बेयो मोनसे रेजें मबाइल इउनिट। बेनिखायनो बेनि लकेशनखौ गोनांथि जानाय बायदिदे सोलायो होयो।

## 34 बोसोरनि सिगां कुभेतआव सा 367 दावबायारिफोरखौ जोबथेना लाखिदोंमोन

लन्डन, 1 जुलाई : कुभेतआव 1990 आव ब्रिटिस एयारवेस उरं जाहाजनि दावबायारिफोर आरो कु मेम्बार्फोरखौ बे'खन्ना लाखिदोंमोन। आथिखालाव उरं जाहाजनि दावबायारिफोरा इउके सरकार आरो एयारलाइननि हेथायै आइनारि नायबिजिरनायखौ जागायदों। सुलुडव फोसमायनाय बायदिब्ला इराकनि बै समनि दै देनगिरि सद्दाम हुसेनआ कु भेतआव गारलोबदोंमोन। गारलोबनायनि माखासे फन्ट उनाव 1990 नि 2 आगस्टखालि कुआलालम्पुरआव थांभाय थानाय उरं जाहाजनिफ्राय जेब्ला बिएल फ्लाइट 149 आ लैथोमा राइज्योआव बागलायो अन्ला बेयाव

गाखोनाय सुबुंफोरखौ ऑखारहोयो। बेनि उनाव सा 367 दावबायारिफोर आरो कु मेम्बार्फोरनि गेजेराव माखासेया 4 दाननिखुइबो बांसिन सम जोबथेजादोंमोन। बिसोरखौ सिगाणव लैथोमायारि दावहानि समाव इराकनि तानाशाहनि सान्थिफोरनि सायाव आमेरिका आरो बिसोरनि हेँफाजाबगिरि हादतफोरनि गारलोबनायनिफ्राय रैखा मोनो थाखाय सुबुंथियारि हाथियार महै बाहायदों। बिसोरनि गेजेराव सा 94 दावबायारिफोरा लन्डननि हाइकर्टआव गांसे नोगोरारि दाबि दैखानायनि आर'जलाइ थिसनो, जेराव ब्रिटिस सरकार आरो बि'ए फ्लान्टआव



नोगोरारिफोरखौ गोसो जानाने अलखदआव खोखलैनायनि दाय जाबसिन्दों। मेक्यु जुरि एन्ट पार्टनर्सआ बेनि खौरं होदों। फारसेथिं आइनारि फर्मआ बेखौ लानाने बुंदोंदि, गासै दाबि दैखानायफोरा बे थासारिनि समाव देहायारि आरो गोसोयारि ख'हा जादों,

जायनि फिथाइखौ दिनेसिमबो मोन्दाडो। अजद दिखानायाव बे बाश्राखौबो दाबि दैखानोंदि, इउके सरकार आरो एयारलाइनआ गारलोबनाया जागायबाय होन्ना मिबथिखाबायमोन। नाथाय अन्लाबो उरं जाहाजखौ बागलायनो गनायथि होदों। 2003 आव फ्रन्सनि

गंसे बिजिसालिया बि'ए फ्लान्टनि फ्रान्सनि जोबथेना लाखिजानायफोरनो 1.67 मिलियन इउर'नि अन्सुथाइ होनो बिथोन होदोंमोन। सुलुनि बायदिब्ला 2021 नि नभेम्बर दानाव फोसावनाय ब्रिटिस सरकारनि फाइलफोरनिफ्राय मिबथिनो मोनोदि, कुभेतआव ब्रिटनि थान्दै मावख'या फ्लाइट बागलायनायनि सिगां लन्डननो इराकआ हाबफेनारनि रिपर्टनि सोमोन्दैयै खौरं होदोंमोन। नाथाय बे खौरंखौ बि'ए फ्लाइटसिम सौहैहोयाखै होन्ना अजद दैखानायफोरा फोरमायदों।

## निट-इउजि गेनाखान्थि केसआव गुजरातनि गंसे प्राइभेट स्कुलनि गोरायुंखौ हमबावबाय

गधरा, 1 जुलाई : मेडिकेल कर्सफोराव थिसन्थाइनि थाखाय खु'नाय निट-इउजिआव नेमखान्थिनि बेरेखा आरो गेना-खान्थि खालामनाय केसआव सिबिआइआ रबिबारआव गुजरातनि गधरायाव गंसे प्राइभेट स्कुलनि बिगोमाखौ हमो। थानाय 5 मेयाव जानाय निट-इउजियाव बे प्राइभेट स्कुलआवबो आन्जाद मिरु खालामदोंमोन। पान्चमहल जिल्लायव गधरानि साखाथियाव थानाय जय डलारम फरायसालिनि बिगोमा दिक्षित पटेलखौबो रबिबार फुडाव बिनि न'निफ्राय हमो।



सरकारि उकिल रकेश ठाकुरआ बुंदोंदि, सिबिआइया आहमेदाबादआव जर'खा बिजिसालियाव दायनिगिरिखौ

नुजाथिहोगोन आरो रिमान्डआव लानाय दाबि खालामगोन। मख 'जाथावदि, बे केसआव हमजानायफोरनि गेजेराव 6 थि

दायनिगिरि। बियो जेना गोनाडै आन्जाद होग्रा बिजाथिफोरनि आन्जादखौ पास खालामना हरनायाव मदत होनो थाखाय 10 लाख रां बिदोंमोन। मख 'जाथावदि, जय जलाराम स्कुलनि प्रिन्सिपाल परुषम शर्मा, फरायसालिनि फोरेंगिरि तुषार भट्ट सोलौंथाइ बोसोनगिरि परशुराम राय, बिचौलि'ए बिभर आनान्द आरो आरिफ भहराखौ सिगांआवनो हमदों। निट-इउजि आन्जादनि गेना-खान्थि केसआव सिबिआइआ हादतनाडै मोन 6 एफआइआर थिसनबाय।

## सोनाब बंगआव आइजोखौ लामायावनो बुग्लनाय भिडिअ भाइरेल जानायनि सायाव बिजेपिआ टिएमसिखौ सौंखारिदों

गोदान दिल्ली, 1 जुलाई : सोनाब बंगआव जेना गोनाडै जरासे बिसि-फिसाइखौ लामायावनो अनगारै बुनायनि मोने, भिडिअआ गोबां भाइरेल जादों। बे भिडिअखौ लानाने बिजेपिआ गिबि मन्थि ममता बेनार्जी आरो बिथानि पार्टिनि सायाव बाश्राजों थारिदों। उत्तर दिनाजपुरनि बे भिडिअआव जरासे सेंग्रा-सिखलानि मोजां मोनलायनायखौ आइन बेरेखा होन्नानै बिसोरखौ औवानि लावथिजों सासे सुबुंडा बुग्लनायखौ भिडिअआव नुनो मोन्दों। युग सुबुंखौ ताजमुल एबा जेसिबि होन्नानै सिनायथिनो हादों। बेखौ लानाने बिजेपिआ दाय जाबसिन्दोंदि, ताजमुलआ दिवाजपुर जिल्लानि चपडानि सासे लकेल टिएमसिनि दैदेनगिरि। सुलुनि बादिब्ला, बे बुग्लनाय जाथाया कंगारु कर्टनिफ्राय थारिखि खोनासहोनायनि उनाव सोमजिदों।



सोनाब बंग पुलिसआ बे केसआव ताजमुलखौ हमबाय। बेरफारसे चपड एमएलए हामिदुल रहमानआबो बेनि सायाव फिन्नाय होदों। बिथाइ बुंदोंदि, आइजोनि आखल-आखुआ समाज बेरेखामोन। अदेबानि ताजमुलआ टिएमसिजों जेबो लोब्ला गैया होन्नानैबो हामिदुलआ बुडो। सिगांफारसे एमएलएआ बुडोदि, बेयो गामिनिसे केस आरो दोलोजों

बेगा जेबो लोब्ला गैया। अन्लाबो बे जाथायखौ गावसोर सौंखारियो। नाथाय आइजोआबो गोरोंथि मावदों। बियो गावनि फिसाइ, फिसाजो-फिसाज्ताफोरखौ नागारलादों। मुस्लिम हादरनि बादिदेयै माखासे खान्थि आरो न्याय बिजिरनाय नेमखान्थि दड। बे जाथायाव बिजेपिआ टिएमसिनि सायाव बाश्राजों गारलोबदों। बिजेपिआ एक्सआव मोनसे पस्ट होना बुंदोंदि, बे केसआव टिएमसि

आरो ममता बेनार्जीनि सायाव बिजेपिनि माहारियारि आफदगिरि जेपि नडुआ थांखिना बेयो अनगागिरिखौ गोसोखां होयो। बेराफारसे टिएमसि आरो बेनि एमएलएआ बे जाथायखौ थि रोखोमनि जादों होन्नानै बुंदों आरो सन्देशाखालि एबा सा दिनाजपुर, गुबुन जायगायानो जायामानो दिदि ममतानि सोनाब बंगआव आइजोफोर रैखाथि गैया होन्नानैबो बुडो।

**आसाम गोहो रानसारथाय कम्पानी लिमिटेड**  
(आसाम सरकारनि मोनसे पब्लिक लिमिटेड कम्पानी)

# सारन्थाइ आरो अखा बोथोरनि समाव

**सांग्रं जा रेखाथिये था**

- ✓ मोब्लिबयारि मुवा बेसावफोरखौ दैनिक्रय गोजानाव देन।
- ✓ दै बानानि समाव इनभारटारखौ बोस्लायनायनि सिगां बेखौ सुइच अफ खालाम।
- ✓ मोब्लिब खुन्थिया, थार एबा ट्रेस्फार्मरनि खाथियाव एबा सिजव गसनायनिफ्राय जानगाराव था।
- ✓ दै बानानि समाव नाव एबा राफटखौ मोब्लिबयारि थारनि सिंजो बारलानायनि समाव सांग्रंडे था।
- ✓ मोब्लिबयारि जेनाजों मोगा-मोगि जायोब्ला थिरखानाय एपिडिसिएल बिबानगिरिजों जगाजग खालाम।
- ✓ गासैखो बाइजोयारि मोब्लिबनि आइजें-आइलाफोरखौ खोबथे आरो दैजों फोनंजाबनायखौ होबथा।
- ✓ दै जमा जानाय जायगाखौ नेवसि।
- ✓ न'आव आर्थिआ गोनांथार।
- ✓ दिन्दां जानाने थानाय मोब्लिबयारि थारजों फोनंजाबनायखौ नेवसि आरो मोब्लिबयारि खामानिनि थाखाय ओवानि लावथि बाहायनायनिफ्राय जानगाराव था।
- ✓ बाहायजाये आइजें-आइलाफोरा आनलाग जानाने थानांगो।
- ✓ न'सिजव दै हाबबोयोब्ला स्पार्क जानायखौ गाहामे नायबिजिरनो नंगो।
- ✓ गोनो-गोथो जायोब्ला मोब्लिबनि बोहेथिखौ आन्जाद नायनो टेस्टर बाहायनंगो।
- ✓ बिफां एबा मोब्लिब लाइननि सिजव गारिफोरखौ लाखिनो नाड।
- ✓ इलेक्ट्रिकल स्पार्कनि समाव मेहन सुइच एबा एमसिबिखौ थाबेनो सुइच अफ खालाम।

**मावनाडै**

- ✗ न'सिजव दै हाबबोयोब्ला आर्थि गोजा एबा गिरि आखाइजों मोब्लिबनि थार, सुइच, प्लाग एबा मोब्लिआरि आइजें-आइलाफोरखौ दानायनिफ्राय जानगाराव था।
- ✗ हायाव गोमलैनाय जायखि-जाया मोब्लिबयारि थार एबा खुन्थियाखौ मावलाबाबो दानो नाड।
- ✗ दिन्दां जानाने थानाय थार एबा बिफानि दालाइयाव नांथानाय मोब्लिबनि थारखौ मावलाबाबो दानो नाड।
- ✗ नायबिजिरालासेनो मोब्लिबयारि हिटर, आइरन एबा जायखि-जाया आइजें-आइलाखौ बाहायनो नाड।
- ✗ मोब्लिबयारि ट्रेस्मिसन लाइन (एइसिएट एलटि) निफ्राय जानगाराव था।
- ✗ स्पार्क/उखुन्दै खुनाय एबा खामनाय बायदि मोनानाय जायखि-जाया मोब्लिबयारि आइजें-आइला बाहायनायनिफ्राय जानगाराव था।
- ✗ दै बानानि समाव जायखि-जाया स्पार्क दडब्ला न'सिजव हावनायनिफ्राय जानगाराव था।
- ✗ अभाहडेड मोब्लिबयारि लाइननि खाथियाव बिफां गायनो नाड।
- ✗ मोब्लिबयारि आइजेंनि खाथियाव दै बाहायनायनिफ्राय जानगाराव था। अर जोब्लावोब्ला मोब्लिबयारि आइजेंनि सायाव दै लुनयनिफ्राय जानगाराव था।
- ✗ हायाव गोमलैनाय थानाय थारखौ लावथि एबा गुबुन मुवा-बेसावजों एरनायनिफ्राय जानगाराव था।

https://www.apdcl.org 24x7 Customer Support 1912 7575999666